

聖濟總錄纂要

七

國立中央圖書館台灣分館



3 1111 008723676

414.6  
18250  
26  
v.7

1830  
26  
V.7  
中國醫學大成第四集

方劑類

聖濟總錄纂

要

七



上海大東書局印行



# 聖濟總錄纂要

清 新安 程 林雲來纂輯

鄞縣 曹炳章赤電校點

## 卷十五

### 大小便門

#### 大小便統論

論曰。脾胃大小腸膀胱者。倉稟之本。營之居也。名曰器。能化糟粕轉味而入出者也。蓋營受水穀之真精。榮衛之根源。大小腸膀胱得以變化。皆營爲之本。是以小腸爲受盛之官。水穀之未分也。及其化物歸於膀胱而爲溺。轉於大腸而爲糟粕。必由氣化。則能出矣。或陰陽之氣不平。寒熱相勝。或氣實塞而不通。或氣虛損而遺泄。或燥而結。或熱而祕。皆陰陽不和之病也。治此者。勿概以寒熱爲法。寒劑滌

蕩。熱劑枯燥。反傷和氣。耗其精血津液。若關格不通。三焦約病。責以榮衛之否塞。若產後難便。與夫老者祕澀之病。又以津液不足。止可滑以利之。潤以滋之。苟蕩以快劑。則糟粕不通。真氣受弊。不可不知也。

### 大小便關格不通

論曰。大小便不通者。陰陽關格三焦約之病也。陰陽和平。三焦升降。則水穀糟粕。以時傳導。今陰陽偏盛。氣否於中。則榮衛因之以不行。故氣結於腹內。脹滿不通。而大小腸俱閉塞也。

芒消湯方 治關格不通。脘腸妨悶。大小便不通。

芒消二兩

冬葵子炒三合

滑石三兩

三味除芒消外。咬咀。每服五錢。水煎。再入芒消末半錢。更煎空心溫服。

茱萸湯方 治腹脅脹滿關格。大小便不通。

吳茱萸湯浸

大黃

當歸

桂心

赤芍藥

甘草炙

芎藭略二

人參



細辛各四兩

桃白皮一握

乾薑一兩

雄黃三分

珍珠末半兩與雄黃同細研

右十三味。將十一味搗篩。每服三錢。水煎。再入雄黃、珍珠末一字。酒半盞。更煎三沸。空心服之。

車前子湯方。治大小便俱不通。

車前子五兩

木通四兩

黃芩

郁李仁湯浸去皮尖雙仁研如膏各三兩

右四味。將前三味搗篩。與郁李仁拌勻。每服五錢。入芒消半錢。同煎服。

豬脂酒方。治大小便不通。

豬脂半鷄子大切

一味。以酒一升微煮沸。投豬脂。更煎二沸。分爲二度。食前溫服。未通再服。

髮灰散方。治大小便不通。

亂髮一兩淨燒灰

一味。細研。每服三錢。溫水調。食前服。日三。以通利爲度。

茯苓丸方 治大小便不通。

赤茯苓

芍藥

當歸

枳殼

白朮

人參各五兩

大麻仁

大黃各三兩

共八味為末。鍊蜜丸如梧桐子大。每服十五丸至二十九丸。空心煎茅根湯下。

治大小便不通腰脅堅脹蒸下部方

蓮葉三兩

葱并鬚用

皂莢一挺炙

生薑一兩切

共四味以漿一斗二升。煮十餘沸。并渣分兩度用。旋盛入小白磁缸中。坐缸口上熏蒸。冷則易之。未通再傾藥於桶斛中。添熱水坐。薰下部即通。

小便不通

論曰。腎藏不足。氣不傳化。膀胱有熱。水道不宣。故小便不通也。令人小腹脹滿。其氣上衝。心腹膨否。甚則喘急。不能升降。內經曰。膀胱不利為癰者如此也。滑石散方 治小便淋澁疼痛不通。

滑石

海金沙

木通等分



三味爲散。每服二錢。煎燈心湯調下。

松煙散方 治小便不通。

墨上好者小濃  
研汁半盞

酒半盞

葱 白三莖

膩粉研半錢

四味同煎至七分放溫。去葱白。頓服即通。

獨蒜塗臍方 治小便不通。

獨顆大蒜 一枚 梔子仁三七枚

鹽 花少許

三味爛擣攤紙上。貼臍良久即通。未通塗陰囊上立通。

治小便不通久即成淋方

以琥珀擣研成粉。每服二錢。濃煎萱草根汁調下。空心食前服。葱湯調下亦佳。

杏仁散方 治卒不得小便。

杏仁去皮尖雙仁二錢

一味炒黃研細末。米飲調下立差。

牛膝湯方 治小便不通。莖中痛。及女子血結腹堅痛。

生牛膝根莖葉一握

黃芩半兩

當歸一兩

三味細剉。每服五錢。水煎溫服。

桑螵蛸湯方 治小便不通。

桑螵蛸炙三枚

黃芩二兩

二味細剉。用水三盞煎。分溫二服。相次頓服。

治小便不通。臍下急痛。脹悶欲絕。鹽熨方。

鹽二觔

一味。鍋中炒令極熱。布帛裹熨臍小腹。以小便通快爲度。

石葦湯方 治小便不利。

石葦去毛

瞿麥穗

冬葵子各二兩

滑石五兩

共四味。搗羅爲散。每服二錢。溫水調。食前服。

治小便不通方

蓬莪茂

藁香子

茶葉各半兩

三味。搗羅爲散。水煎入鹽二錢。葱白二寸。同煎空心服。

小便不禁



論曰。內經言膀胱不約為遺溺。亦腎竭不能約制水液。故便利多。甚則下焦傷竭。真氣不固。而小便不禁也。

菘蓉丸方 治腎臟虛冷。腰膝無力。小便不利不禁。或溺白色。

肉菘蓉淨刷去皺皮酒浸二宿薄切焙乾二兩半 杜仲去粗皮二兩半炙紫色橫剉

黃耆三兩 韭子水淘去浮者三兩焙乾

桂心二兩

牛膝酒浸二兩 山茱萸二兩

右七味。搗羅為細末。鍊蜜和。更入白內塗酥杵令勻。丸如梧桐子大。每日空心煎黃耆湯下三十丸。至晚再服。

鹿茸散方 治腎臟虛。腰膂疼冷。夜遺小便。

鹿茸去毛酥炙令黃 烏賊魚骨去甲炙各三兩當歸

白芍藥

龍骨研 人參 桑寄生各一兩

桑螵蛸一兩甲劈破慢火炙令黃

右八味搗。前七味為末。更與龍骨同研。令勻細。每服一錢。溫酒調服。日三。

兔絲子散方 治小便不禁。

兔絲子酒浸一宿焙乾微炒別研細如粉一兩

蒲黃炒

黃連各半兩

肉苳蓉 酒浸 一兩

五味子

鷄臙脰黃皮 炙黃色 兩半

共六味。先搗四味為細散。再入兔絲子粉。與蒲黃同研勻細。每服二錢。酒調食前服。日三。

黃耆散方 治小便不禁。

黃耆

狗脊

去毛

牡蠣

煨

肉苳蓉

酒浸切焙 各一兩

萆薢

牛膝

酒浸

赤石脂

研

山茱萸

各二兩半

土瓜根 三兩

右九味。先搗羅八味為散。更與赤石脂同研勻。每服一錢。酒調食前服。至午間

夜臥各一服。加至二錢。

雞腸散方 治小便不禁。日夜無數。

黃雄雞腸 四具切破 淨洗炙黃

肉苳蓉 酒浸

苦參

赤石脂 研

白石脂 研

黃連 各五兩

共六味。搗四味為散。更與赤白二石脂同研勻細。每服二錢。酒調食前服。日二

夜一。



鵲巢散方 治小便不禁。

重鵲巢中草一斤燒作灰

薔薇根去皮五兩

二味。先搗薔薇根為散。每服三錢。水煎去滓。再入鵲巢灰二錢。空心服。

### 小便利多

論曰。腎者主水。膀胱為腑。今腎氣不足。膀胱有寒。不能約制水液。令津滑氣虛。故小便利多。久不差。則腎氣傷。真元耗損。腰脊痠痛。身體寒顫。羸乏之病生焉。覆盆子丸方。治元臟虛弱。臍腹疼痛。膝脛少力。百節痠疼。昏倦多睡。小便頻濁。頭旋痰唾。背脊拘急。飲食無味。溫順臟氣。補益下經。

覆盆子

黃耆

肉蓯蓉

烏藥

五味子

石斛

補骨脂

澤瀉

萹澄茄

沉香

巴戟天一兩

芎藭

當歸

赤芍藥

山茱萸各三分

兔絲子酒浸三日二兩

熟乾地黄兩半

共羅為末。鍊蜜和丸。如梧桐子大。每服二十九。加至三十九。食前溫酒下。米飲鹽湯亦可。

八味補骨脂丸方 治小便滑數。

補骨脂

巴戟天去心

桑螵蛸炒

兔絲子

酒浸三日別研

牛膝酒浸切焙

乾薑半兩

熟乾地黄一兩

枳殼麵炒去瓢三分

共搗羅為末。酒煮麵糊和丸。如梧桐子大。每服二十九。空心食前溫酒下。粟米飲亦可。

雌黃丸方 治小便滑數。

雌黃研如粉二兩半

乾薑

半兩剉入鹽四錢同炒黃色

共搗研為末。用乾蒸餅為末。入水內拌和搗熟。丸如菉豆大。每服十丸。加至二十丸。空心鹽湯下。

牡蠣丸方 治膀胱虛寒。小便數。

牡蠣

獨活

狗脊去毛

肉蓯蓉一兩

龍骨半兩



共爲末。鍊蜜和丸。如梧桐子大。每服三十九丸。鹽湯下。空心食前。  
治小便頻數。及引飲不止。糯米餐方。取純糯米。資一手大。臨臥灸令輒熟。啖之。  
以溫酒送下。不飲酒人湯下。多啖彌佳。行坐良久。待心空便臥。一夜十餘行者。  
服之卽止。或言假火氣溫水道。不然也。大抵糯稻止縮水。凡人夜飲酒者。夜輒  
不溺。此糯米之力也。昔有人病渴殆死。有人用糯稻桿及根。斬去穗。取中心淨  
器中燒作灰。每用一合許。湯一碗。沃浸良久。澄去其滓。嘗味如薄灰汁。乘渴令  
頓飲之。是夜減飲水七八升。此亦糯稻縮水之一驗也。

### 小便出血

論曰。內經謂悲哀太甚。則胞絡絕。絕則陽氣動中。數溲血。又曰。胞移熱於膀胱。則  
癢溺血。二者皆虛熱妄溢。故溲血不止也。治宜去邪熱。調心氣。  
金黃湯方。治小便出血。水道中澀痛。

鬱金

瞿麥穗

生乾地黄

車前葉

芒硝

滑石

每服五錢匕。水一盞半。煎至七分。去滓。溫服。不拘時候。

車前葉湯方 治小便出血。

車前葉

茜根

黃芩

阿膠

地骨皮

紅藍花一兩

每服五錢匕。水一盞。煎至七分。溫服。不拘時候。

人參湯方 治小便出血。

人參

生乾地黄

白芍

桔梗

當歸

甘草

桂心

芎藭一兩

淡竹茹二兩

每服四錢匕。水二盞。煎至一盞。溫服。不拘時候。

阿膠湯方 治腎客熱連心。小便出血。疼痛。

阿膠

黃芩各三

甘草炙半

生地黄絞取

車前葉絞取

藕節絞取汁

生蜜一鍾

將前藥搗篩。同後四味攪勻。每一大匙。水一盞。煎至七分。溫服。



柏葉湯方 治小便出血不止。

柏葉

甘草

阿膠

黃芩

竹茹

生乾地黄各一兩

共搗篩。每服四錢匕。水一盞半。同煎至八分去滓。溫服。不計時候。

地黃湯方 治小便出血。

生乾地黄

兔絲子酒浸一宿

白芷

冬葵子炒

當歸

芎藭

敗醬

赤茯苓

蔓荆實

蒲黃一兩

共為末。煉蜜和丸。如梧桐子大。每服二十九丸。煎粟米飲下。日三服。

車前子散方 治小便赤色。或小便鮮血。

車前子

木通

澤瀉

當歸

桑螵蛸

桂心

滑石各等分

共為散。每服二錢匕。煎冬葵根湯下。

治小腸尿血方

指 甲半錢 頭 髮一分

二味燒灰研勻。空心溫酒調一錢匕。頓服。

### 大便秘澀

論曰。大便秘澀。其證皆榮衛不調。陰陽之氣相持也。若風氣壅滯。腸胃乾澀。是謂風秘。胃蘊客熱。口糜體黃。是謂熱秘。下焦虛冷。窘迫後重。是謂冷秘。或因病後重亡津液。或老弱血氣不足。是謂虛秘。或腎虛小便過多。大腸枯竭。渴而多秘者。亡津液也。胃實燥結。時時作寒熱者。中有宿食也。治法須宜和順陰陽。然後疎風散滯。去熱除冷。導引補之法。不可偏廢。當審其證以治之。

麻仁丸方 治大便秘難。

大麻仁研膏

大黃炒各三兩

厚朴生薑汁炙二兩

枳殼去瓢殼炙二兩

共搗三味為末。與麻仁同研。鍊蜜和杵令勻。丸如梧桐子大。每服二十九。空心

溫水下。以利為度。

麻仁丸方又 治三焦不和。臟腑虛結。胸膈痞悶。大便秘澀。



大麻仁研膏四兩

大黃半生半熟四兩

白檳榔

山茱萸

兔絲子酒浸宿另研

車前子

桂心

羌活

山藥

枳殼

防風各半兩

木香一兩

郁李仁去皮研膏四兩

共研為末。鍊蜜和丸。如梧桐子大。每服十五丸至二十九丸。溫水下。

威靈仙丸方。治大腸冷秘。

威靈仙不拘多少

搗為末。鍊蜜和丸。如梧桐子大。每服十五丸。生薑米飲下。

附子散方。治大便秘。

附子炮製去皮臍

削去外面。留中心如棗大。碾為細散。蜜水調下一錢匕。

葱膠湯方。治年老虛弱。大便秘滯。

阿膠十片 葱一握

用水二盞同煎膠烱取一盞。溫服之。立效。

大黃丸方 治脾胃不和。內有蟲滯。大便秘難。

大黃

赤芍藥 三兩

厚朴 薑汁炙 二兩

枳殼 兩半

大麻仁 別研如膏五合

共搗四味為末。與麻仁同研勻。鍊蜜和杵丸。如梧桐子大。每服十九至十五丸。食前溫水下。以通利為度。

滑石散方 治大便秘。腹脹氣急妨悶。

滑石 細研二兩 手足指甲 剪患人自身者燒為灰研分二貼

取滑石末一貼。以水一盞半。煎至八分去滓。調爪甲灰一貼。空心服。至辰再服。

葵酥湯方 治大腸閉澀。大便不通。

冬葵子 二合 牛酥 二兩如無 豬脂代

將葵子搗篩分四貼。每貼以水一盞。煎至五分去滓。下酥半兩。再煎二沸。食前冷服。

摩臍方 治大便秘。不通腹脹。

杏仁 湯浸去皮尖 鹽一分

葱白 三莖去鬚 細切



三味同研如膏。每取如酸棗大。計心摩臍上三百轉。須臾卽利。如利不止。以冷水洗手卽定。

治病後津液燥少大便不通腸結方

糯米二合炒灰猪膽取一枚

沙 糖少許

和研如膏。內少許入下部立通。

治卒大便不通或熱結或風秘及婦人產後大便不通等方

皂 莢切去皮炙令黃熟爲末

白梅肉五枚 蜜少許

將梅肉并蜜拌和皂莢如棗大。以綿紙裹引內下部中。須臾卽通。

郁李仁粥方 治大便不通。

郁李仁一兩去皮細研分二服用

煮薄粥一碗。臨熟時下郁李仁。煮三兩沸。傾出。空心吃。便通。再服一分。以通利

爲度。

治下部窒塞大便不通方

烏 梅五枚

內湯中漬輒取肉熟搗之。丸如彈子。內下部中即利。

結陰便血 門腸風 下血 詳痔

論曰。經謂結陰者。便血一升。再結二升。三結三升。夫邪在五臟。則陰脈不和。陰脈不和。則血留之。結陰之病。以陰氣內結。不得外行。血無所稟。滲入腸間。故便血也。地黃煎丸方。治結陰便血。

生地黃汁

小薊汁各一升

沙糖一兩同上一

地榆根

阿膠炙令燥

側柏各二兩

除以上三味外。搗為末。入膏中和丸。如小彈子大。每服一丸。水一盞。煎至六分。和滓溫服。

神僊必效丸方。治便血無度。

阿膠二兩

當歸焙

烏賊魚骨去甲

白芍藥

劉寄奴各一兩

共為末。鍊蜜和丸。如梧桐子大。空心米飲下三十丸。加至五十丸。



龍骨餅子方 治臟毒血不止。

龍骨

烏賊魚骨去甲各等分

為末。每服一錢匕。入鷄清一枚。用白麵同和。捏作餅子三枚。塘火內煨熟細嚼。溫米飲送下。空心食前服。

石榴散方 治結陰瀉血不止。

醋石榴皮

陳橘皮湯浸去白

甘草

乾

薑炮

四味等分。焙乾搗羅為散。每服二錢匕。陳米飲調下。日三服。

地榆散方 治結陰瀉血。

地榆

桑耳

甘草

赤芍藥

各三兩

艾葉二兩

黃耆六兩

熟地黃

伏龍肝

各四兩

為細散。每服二錢匕。米飲調下。食後臨臥服。

金屑丸方 治便血一切血妄行。

葉子雌黃

不拘多少入在囊內綿繫定蒲煎湯用黑鉛一兩半鎔成汁傾入湯內同煮自早至晚不住添佛湯取出研細以盞盛飯上蒸過

以煮藥棗取肉和丸。如梧桐子大。每服三丸。煎黑鉛湯下。便血甚者三服差矣。

金虎丸方 治結陰失血。

黃

柏一兩去粗皮用  
子清塗炙

爲末。滴水丸。菘豆大。溫水下七丸。

諸淋門

諸淋統論

論曰。膀胱者。州都之官。津液藏焉。氣化則能出矣。位處下焦。與腎表裏。分別清濁。主出而不納。若臟腑氣虛。寒熱不調。使氣不化。而水道不宣。故爲淋闕之病矣。諸淋之證。大體緣腎臟氣虛。膀胱有熱。唯冷淋爲異。善治此者。當熟察之。

卒淋

論曰。卒淋者。緣下焦有熱。傳入膀胱。其候卒然小腹急痛。小便淋澀痛。故謂之卒淋。蓋下焦在臍上。當膀胱上口。主分別清濁。主出而不納。以傳導也。今熱在下焦。故其病如此。



瞿麥湯方 治卒淋通利小腸。

瞿麥 半兩

木通

赤茯苓

陳橘皮去白 各一兩

滑石碎 一兩半

冬葵子炒 一

甘草炙

桑根白皮各半兩

共八味搗篩。每服三錢。入葱白二寸。同煎溫服。

茅根飲方 治卒淋結澀不通利。

茅根

木通各三兩

石葦刷去毛

黃芩

冬葵子

當歸

芍藥

滑石碎 各二兩

亂髮鷄子大二握 燒灰

共九味搗篩。每服三錢。水煎溫服。不拘時。

黃耆飲方 治膀胱虛熱。小便卒暴淋澀。

黃耆

人參

白茯苓

旱蓮草

滑石研 各一兩

桑白皮

黃芩

枳殼麸炒

芒硝

共九味搗篩。每服三錢。水煎溫服。

黑金散方 治卒淋不通。

好細墨燒一兩

一味為散。每服一錢。溫酒調下。不拘時候。

茯苓湯方 治小便卒淋澀。

赤茯苓三兩

滑石四兩

石葦去毛

瞿麥穗

蒲黃各二兩

榆白皮二兩

冬葵子二合

共七味。搗篩。每服五錢。水煎溫服。食前。

### 冷淋

論曰。腎與膀胱為表裏。下通於胞。宣行水道。腎藏虛弱。冷氣客於下焦。邪正交爭。滿於胞內。水道不宣。故其狀先寒顫。然後便溺成淋。謂之冷淋也。

菝葜飲方 治冷淋寒顫澀痛。

菝葜

土瓜根

黃耆

地骨皮

五味子各二兩

人參

牡蠣

蠣各二兩

石膏四兩



共八味。搗篩。每服五錢。水煎溫服。  
黃耆丸方 治腎虛膀胱冷淋不利。

黃耆 剉

黃連

土瓜根 各二兩半

玄參 三兩

菝葜

鹿茸 去毛酥炙二兩

牡蠣 一兩

桑螵蛸

人參

五味子 各一兩半

右十一味。搗羅為末。鍊蜜丸如梧桐子大。每服二十九。鹽湯下。不拘時。

兔絲子散 治冷淋。

兔絲子 酒浸別研

白石脂

牡蠣 煨研各二兩

桂心

土瓜根 各一兩

右五味。研為散。每服二錢。煑麥粥飲調下。空心食前服。

兔絲子散方 治冷淋。小便多。或不禁。

兔絲子 酒浸別搗一宿

蒲黃

黃連 一兩

硝石 半兩

肉苁蓉 酒浸一兩

雞臙胫黃皮 炙半兩

五味子 一兩

共七味。搗羅為散。每空腹溫酒調下三錢服。日二。

### 熱淋

論曰。三焦者。水穀之道路也。三焦壅盛。移熱於膀胱。流傳胞內。熱氣併結。故水道不通利而成淋也。其狀溲便赤澀。或如血汁。故謂之熱淋。

滑石散方 治熱淋小便赤澀疼痛。

滑石研三兩

括蔞根三兩

石葦炙去毛半兩

三味。搗羅為散。每服一錢。煎小麥湯調下。不拘時。

車前子散方 治熱淋結澀不通。

車前子炒

牛膝各一兩

桑根白皮三兩

蒲黃一兩

共四味。搗羅為散。每服二錢。煎葱湯調下。不拘時。

四汁飲方 治熱淋小便赤澀疼痛。

蒲葦自然汁

蜜

生藕自然汁

生地黃自然汁各五合

四味和勻。每服七分一盞。銀石器內慢火煎沸。溫服。不拘時候。

瞿麥湯方 治心經壅熱小便淋澀赤痛。



瞿麥穗三分

茅根

冬瓜子各半兩

葵子

木通一分

黃芩六錢

竹葉一把

滑石研一分為末分作三貼

共八味。除滑石外。搗篩。分作三劑。每貼用水三盞。煎去滓。入滑石末一貼。攪勻。分溫二服。食前。

### 氣淋

論曰。腎虛則不能制小便。膀胱挾熱。則水道澀。腎虛膀胱熱。則胞內氣脹。小腹堅滿。因至淋澀之疾也。其候出少喜數。尿有餘瀝。亦曰氣癢。診其脈少陰脈數者。則為氣淋。

木通湯方 治氣淋結澀不通。

木通一分

木香半兩用

細辛一分

草豆蔻三枚

人參半兩

赤茯苓三分

桃仁去皮尖雙肉豆蔻二枚去殼

共八味。搗篩。每服三錢。水煎溫服。不拘時。

桑白皮湯方 治氣淋結澀。溲便不利。



桑白皮半一兩

茅根半二兩

木通

乾百合各二兩

四味搗篩。每服三錢。水煎溫服。不拘時候。

海金沙散方。治氣疑結澀不快。

海金沙別研二兩

滑石研

甘草

山梔子仁各一兩

四味。將甘草。梔子仁為散。入餘藥再研勻。每服一錢。茶清調下。不拘時。

通神散方。治氣淋結澀不通。

粟米一合

故筆頭燒二枚

馬蘭花燒七朵

三味為散。溫酒調下二錢。如不可忍者。連服三服。

貝齒湯方。治因氣成淋。小便痛。或澀血。或如豆汁。

貝齒研一枚

冬葵花研半合

石膏一兩

滑石一兩

右四味。哎咀如麻豆大。每服五錢。水煎。再入猪肪脂少許。再同煎數沸。空腹溫服。

血淋



論曰。心主血。氣通小腸與膀胱。俱行水道。下焦受熱。則氣不宣通。故洩便癰閉而成淋也。熱甚則搏於血脈。血得熱則流行入於胞中。與洩便俱下。故為血淋也。

白茅根

芍藥

木通

車前子

各三兩

滑石

黃芩

亂髮

冬葵子

微炒半兩

共八味。搗篩。每服三錢。水煎溫服。日三。

雞蘇湯方。治血淋。

雞蘇

石膏

淡竹葉

木通

甘草

滑石

小薊根

生地黄

共八味。搗篩。每服六錢。水煎空心服。

雞蘇飲方。治血淋不絕。

雞蘇苗

竹葉

滑石

木通

小薊根

生地黄

共六味。咬咀。如麻豆大。每服五錢。水煎溫服。不拘時。以利為度。

治血淋方

車前子葉生搗汁三合

生地黄汁三合

二味相和煎三沸食。

膏淋

論曰。膀胱為滲泄之腑。腎氣均平。則洩便清。腎既虛不能制其肥液。故與俱出色。若脂膏。故謂之膏淋。又曰肉淋。

磁石丸方 治膏淋小便肥如膏。

磁石火煨醋碎三七遍 肉蓯蓉酒浸切焙

澤瀉 滑石各一

共四味為末。鍊蜜丸如梧桐子大。每服三十九。溫酒下。不拘時候。

沉香丸方 治膏淋。

沉香 肉蓯蓉酒浸 黃耆 瞿麥穗

滑石 磁石火煨醋碎三七遍各一兩

右六味。搗羅為散末。鍊蜜丸如梧桐子大。每服三十九。溫酒下。不拘時候。



滑石湯方 治膏淋。小便肥濁。

滑石

白茯苓

白朮

木通

熟乾地黄

赤芍藥

五味子各一兩

共七味。搗篩。每服三錢。水煎溫服。不拘時。

### 石淋

論曰。淋者淋病。而有沙石從小便道出也。蓋由腎氣虛損。則飲液停聚。不得宣通。膀胱客熱。則水道澀痛。胞內壅積。故令結成沙石。隨小便而下。其大者留礙水道之間。痛引小腹。令人悶絕也。

人參散方 治沙石淋。

人參

木通

青鹽研

海金沙別研各一分

莎草根炒去毛半兩

右五味。除海金沙。青鹽外。搗羅為散。合研勻。每服二錢。空心米飲下。

海金沙散方 治沙石淋澀。疼痛不可忍。

海金沙

滑石

石膏

木通

井泉石碎

甘草炙

右六味等分。搗研為散。煎燈心湯調下二錢。不拘時候。

菝葜散方 治沙石淋重者。取出根本。

菝葜二兩

一味為散。每服一錢。米飲調下。服畢用地椒煎湯浴。連腰浸洗。

獨聖散方 治沙石淋。

黃蜀葵花兩一

一味研為散。每服一錢。食前米飲調下。

木通湯方 治沙石淋。

木通

滑石各一兩碎

冬葵子二兩

三味搗篩。每服五錢。水煎溫服。

鼈甲散方 治沙石淋。

鼈甲去裙襴燒灰存性



一味。搗羅為散。每服三錢。空心溫酒調下。

茅根湯方 治沙石淋。

茅根細切一斤

葛花為末一兩

露蜂房為末二兩

三味分作三服。每服以水三盞煎溫服。

### 勞淋

論曰。人因勞傷腎經。腎虛膀胱有熱。氣不傳化。小便淋瀝。水道澀痛。勞倦即發。故謂之勞淋。小腹引痛者。是其候也。

地黃湯方 治勞淋結澀不通。

熟地黄

人參

石葦各一兩

滑石三分

桂心

車前子

甘遂炒

王不留行

冬葵子炒

木通各半兩

共十味搗篩。每服三錢。水煎溫服。不拘時候。

兔絲子丸方 治腎勞虛損。洩便不利。淋瀝不已。

兔絲子酒浸別搗

人參

黃耆剉

滑石

木通剉

芍藥

車前子各一兩

黃芩三分

冬葵子炒一合

右九味為細末。鍊蜜丸如梧桐子大。每服二十九。食前溫酒或鹽湯下。日二。

石葦散方 治勞淋日夜數起小便不利引陰中痛。

石葦去毛

滑石

瞿麥穗

王不留行

冬葵子各等分

右五味為細散。每服二錢。食前葱白湯調下。

### 九蟲門

#### 九蟲統論

論曰。蟲與人俱生。而藏於幽隱。其為害也。蓋本於正氣虧弱。既食生冷。復感風邪。所以種種變化。以至蕃滋。初若不足畏。而其甚可以殺人。善攝生者。薄滋味。節嗜欲。蚤去三尸。防患於未然。彼九蟲亦將銷鑠於冥冥之中。惟未進此道而攘孽。則



蠹無使滋蔓。蓋有藥存焉。

### 九虫蝨

論曰。九虫一名伏虫。長四分。二名虻虫。長一尺。三名白虫。長一寸。四名肉虫。狀如爛杏。五名肺虫。狀如蠶。六名胃虫。狀如蝦蟆。七名弱虫。狀如瓜瓣。八名赤虫。狀如生肉。九名蟯虫。狀如菜子。至微細者。是九虫皆依乎腸胃之間。若腑臟氣實。則不能為害。及其虛也。發動變化。侵食氣血。寢成諸病。不可不察也。

雞子丸方 治九虫

雞子去殼 二枚

好漆釧過 四兩

蠟 三兩

粳米粉 半斤

四味先取漆蠟入銅鐺中。用慢火煎。攪令得所。次入粳米粉。又攪令勻。煎令凝。候可丸。即取鐺中。置生黄土堆上。纔候稍溫。即下雞子。又攪令得所。再置火上煎。令可丸。如小豆大。宿勿食。空腹煎粟米飲下二十九丸。小兒五丸。

石榴枝湯方 治九虫動作。腹中刺痛。口吐清水。面色黑黃。及蟲心痛者。

東引石榴枝 三兩 木香

陳橘皮湯浸 去白

吳茱萸湯洗焙炒 各一兩半

大黃煨

芍藥各二兩

薏苡仁二兩

共七味。咬咀如麻豆大。每五錢水煎溫服。空心。

南粉散方 治腹中諸蟲。令人腹痛。多食泥土及泄者。

南粉二錢 細研

五更初用生油調下。至食時蟲出盡。

### 虻蟲

論曰。虻即九蟲。殺所謂長蟲者。今此析而治之。蓋較之他蟲。害人之為多。觀其發作冷氣。臍腹撮痛。變為嘔逆。以至心中痛甚。如錐刺。昔人謂虻厥貫心能殺人。則所以治之不可緩也。

茹胡湯方 治蟲心痛。

茹胡半一兩

當歸

食茱萸各一兩

芍藥一兩

檳榔三枚

郁李仁洗去皮 三分

厚朴塗薑汁炙 熟一兩

右七味。搗篩。每服三錢。水煎。食前溫服。日三。



桑根白皮湯方 治虻蟲心痛。

桑根白皮 三兩 乾者 醋石榴皮 一兩 白蕪荑炒 檳榔炮

厚朴 塗薑汁炙 各半兩

右五味搗篩。每服三錢。入生薑一塊。同煎空心服。至晚再服。

草薺散方 治虻蟲發作。

草薺炒 白蕪荑炒 狗脊 去毛剉 各一分

三味為散。每服二錢。溫酒調下。欲服藥先隔宿吃牛肉乾脯一片。次日空心服

藥。蟲下即差。

薏苡根湯方 治虻蟲。

薏苡根 去土 握

一味搗篩。水煎。分溫二服。空心先吃錫少許。然後溫服。

檳榔散方 治虻蟲。

檳榔 炮剉 五枚 酸石榴根皮 入土五寸 東引者 去土細剉 一斤

二味。先將檳榔搗篩。與石榴根各均分作三度用。每度用水二升半。煎至一升。

絞去滓。入粟米一合。煮如粥。平旦空心頓喫。利下蟲即效。

蠶蛹汁方 治蚘蟲。

蠶 蛹

取繅絲蠶蛹四合爛研。生布絞取汁。空心頓飲之。非繅絲時。即須依時收取蠶蛹暴乾。搗羅為末。用時以意斟酌。多少和粥飲服之。

### 寸白蟲

論曰。寸白蟲乃九蟲之一種。狀如絹邊葫蘆子。因臟氣虛。風寒溼冷。伏於腸胃。又好食生膾乾肉等。所以變化滋多。難於蠲治。說者謂食牛肉飲白酒所致。特一端爾。亦未必皆緣此。

香附丸方 治葫蘆蟲。

木 香為末一分

附 子生去皮臍為末

硫 黃研各半兩

三味。先將蜜陀僧末半兩。入醋熬成膏。然後入三味藥末。一處和丸如小豆大。每服十五丸。溫酒下。食前服。



檳榔散方 治寸白蟲。

石榴根

陳橘皮 去白

桑根白皮 各一兩

三味細剉。分作三服。每服水一盞半。煎取一盞。去滓。五更初調檳榔末二錢。至欲明不瀉。至晚又一服。如蟲母未下。再服。或瀉不止。喫冷粥止之。

食榧實散方 治寸白蟲。

生榧實 四十九枚 去皮

右一味。於每清旦空腹食七枚。七日後食盡。其蟲即化成水矣。

乾脯湯方 治寸白蟲。

乾脯 手大一片如石榴根 東引者一握

右二味。並細剉。以水四升。浸一宿。明日平旦煎至一升。去滓。分三服。空腹先嚼乾脯一片。即服藥。如人行十里。又一服。每服藥後。以手按患人腹上。藥力易行。其蟲自下。凡服藥取月一日至五日已前。蟲頭向上服良。

黑鉛散方 治寸白蟲累取不盡。久令人面黃。心中如飢。

黑鉛沙 子 畫家銀塗是也

一味研極細。每服二大錢。五更初肉汁調頓服。至平明取下蟲立差。

玉粉散方 治寸白蟲。

定粉一兩

右一味。研極細。每服二錢。用生麻油調。於五更初頓服。至晚蟲下。

### 蟯蟲

論曰。蟯蟲甚微細。若不足慮者。然其生化衆多。攻心刺痛。時吐清水。在胃中侵蝕不已。日加羸瘦。甚則成痔瘻。疥癬。癰疽。諸癩害人。若此絕其本根。勿使能殖。則毒而治之。所不可忽。

桃皮湯方 治蟯蟲虻蟲。及痔蠹蝕下部生瘡。

桃木皮乾者去粗皮

槐子微炒各一兩半

艾葉半兩

三味搗篩。每服三錢。入棗一枚同煎。空心食前。夜臥各一服。

艾汁方 治蟯蟲攻心如刺。吐清水。

生艾葉取嫩心切二升



服。一味。搗絞取汁兩盞許。宿不食。平旦先嚼乾脯少許。後頓飲汁不能盡。卽兩日

槐皮丸方 治蟻蟲在胃。人漸加羸弱。

槐皮乾者

桃

仁去皮尖雙

棟

實去核生用各半兩

三味。搗羅爲末。鍊豬膏丸。如人指大。以綿裹導下部中。

治蟻蟲咬人下部癢方

水銀一兩

一味。用蒸棗膏和丸。如人指大。綿裹臨臥內下部中一宿。內藥時常留綿帶子在外。

熬漆丸方 治蟻蟲在胃。令人漸羸。

好漆

醇酒

白

蜜各半斤

三味於銅器中和勻。微火熬令可丸。丸如雞頭大。每服一丸。宿勿食。空腹溫酒下。蟲未下再服。

五臟虫

論曰。五臟蟲者。緣臟真衰弱。熱熏蒸而成之。傳所謂肉腐出蟲。魚枯生蠹。理固如此。其名狀之異。見於九蟲。可辨而察也。

雷丸丸方 治心臟勞熱傷心。有長蟲名曰蠱。長一尺。貫心為病。

雷丸 灰炮過火

陳橘皮 湯浸去白

桃仁 去雙仁皮尖殼炒各一兩一分

貫衆 大者去衆鬚半兩

狼牙 連苗淨搗一兩半

白蕪荑

青葙子 炒

乾漆 炒令烟出各一兩

亂髮 如鷄子大一兩燒灰

共九味。除亂髮燒灰外。八味搗羅為末。然後與亂髮灰同研令勻。鍊蜜和。更於

鐵臼內塗酥杵令勻熟。丸如梧桐子大。每服空心溫酒下十五丸。至晚再服。米

飲亦得。

麥門冬丸方 治肺勞熱生蟲。其形如蠶。令人欬氣喘。或謂憂膈、氣膈、恚膈、寒膈、

熱膈。皆從勞氣所生。名曰膏肓病。鍼灸不至。

麥門冬 去心

蜀椒 去目及閉口者炒出汗一兩

人參 一分

遠志 去心

附子 去皮

細辛 各半兩

甘草 炙一分

乾薑 炮一兩

桂心

百部 焙

白朮



黃耆剉細各一兩一分 杏仁去皮尖雙仁焙乾炒令黃半兩

右十三味。搗羅為末。鍊蜜和。更於鐵臼內塗酥杵令勻熟。丸如酸棗子大。舍化稍稍嚥津。

桑根白皮酒方 治肺勞熱生蟲。在肺為病。

桑根白皮東引者取一升

狼牙其連苗處淨去土三兩

吳茱萸根皮東引者淨刷去土五升

右三味細剉。用酒七升。煮至二升。去滓。分作三服。每日空腹一服。

茱萸根丸方 治肝勞生蟲。長蟲為病。恐畏不安。眼中赤。

東引行吳茱萸根去土三兩

蠟三兩

雞子五枚去殼取黃用

粳米一盞

右四味。除蠟并鷄子外。各搗羅為末。先以銅鍋內煎蠟鎔。即下茱萸末、米粉、鷄子黃煎。令煎可丸。即丸如小豆大。早晨煎粟米飲下五十丸。小兒服二十九丸。蟲出即差。

前胡湯方 治脾勞有白蟲長一寸。在脾為病。令人好嘔。胸中欬效。即嘔而不出。

前胡

白朮

赤茯苓

枳殼去麩炒

旋復花去葉炒

細辛

常山

松蘿各一兩半

杏仁去皮尖雙仁炒

龍膽去苗各一兩

右十味。搗篩。每服五錢。竹葉十片。淨洗細切。同煎去滓。空心溫服。吐之即差。若

腹中熱滿。入芒硝半錢。梔子仁一兩。黃芩一兩半。苦參一兩。

茱萸根浸酒方。治脾勞勞熱。有白蟲在脾中為病。令人好嘔。

吳茱萸根東引者一尺

麻子入升淨揀

陳橘皮去白炒二兩

右三味。先搗碎橘皮。麻子如泥。然後拌茱萸根。用酒一斗。浸一宿。慢火上微煎。

絞去滓。分作五服。每服空心溫服。蟲即下。欲合藥時。忌言。合殺蟲藥。

貫衆散方。治腎勞熱。四肢腫急。有蟻蟲如菜中蟲。生於腎中。

貫衆大者三枚去鬚

乾漆炒令烟出二兩

吳茱萸水洗七遍焙乾一兩半

白蕪荑炒

槐白皮乾者一兩

杏仁去皮尖雙仁炒黃半兩

胡粉妙令黃色一兩

右七味。除別研粉外。搗羅為散。更與胡粉同研令細。每服二錢。空腹用井華水。



調服。日晚再服。

二一虫蝨

論曰。三蟲亦九蟲之數。曰虯。曰赤。曰蟯。是也。其發動諸病。較之他種為甚。虯蟲又曰長蟲。長一尺。動則吐清水。心痛貫心則死。赤蟲狀長似生肉。動則腸鳴。蟯蟲至細微。形如菜蟲。居腸間。多則為痔。極則為癩。或生諸癰疽癬瘻癢疥。而其變甚多。三蟲為患如此。古人必析而治之。意亦深矣。

籠甲丸方 治三蟲發痛。面目黃。不下食。

籠甲 去裙襪醋炙黃二兩 白朮 一兩 陳橘皮 去白一兩 木香

狗脊 去毛各一兩半 檳榔 四兩 吳茱萸 水浸二宿每日三次換水洗去涎乾炒一兩

右七味。搗羅為細末。鍊蜜和為劑。置臼內入酥。杵令勻熟。丸如梧桐子大。每日空腹煎青橘皮湯下三十九丸。晚食前再服。

天門冬煎方 治三蟲保定肺氣。去寒熱。養肌膚。益氣力。利水便。及諸暴中偏風溼痺。強骨髓。

天門冬祛心生十斤 白蜜七兩

二味。先取天冬細切。爛搗如泥。用酒一斗。和絞取汁。并蜜攪令勻。銅器中重湯上煎。仍用竹篦攪。候如錫。每服如彈丸大。空腹溫湯服之。或用生地黃汁一盞同煎更妙。

亂髮灰散方 治三蟲。

亂髮淨洗如雞子大燒灰

丹砂研如麵飛過一兩

二味同研極細。每服一錢。醋調空腹服之。

藿蘆散方 治三蟲神效。

藿蘆微炙二兩

一味搗羅為細散。每服二錢。隔宿勿食。於清旦用羊肉濃汁調服之。蟲自下。

檳榔湯方 治三蟲。

檳榔三枚灰火煨過

一味搗篩。用水三盞。煎至一盞半。去滓。分三服。空腹。日午。近夜各一服。其蟲盡下。或葱白鹽豉同煮飲之亦佳。



# 諸尸門

## 諸尸統論

論曰。人身中有三尸。諸蟲。與人俱生。常忌血而惡能。善與鬼神通。每接引外邪。與人爲害。謂之尸病。其狀沈沈默默。不知所苦。而無處不惡。或心腹痛脹。或礪塊踊起。或攣引腰脊。或精神錯雜。變狀不一。有飛尸者。有伏尸者。復有遁尸。沈尸。風尸之異。久不已。停注留滯。及死。又注易傍人。則爲尸注之病矣。

## 諸尸

諸尸病因不一。其最重者。惟五尸。若得之疾速如飛走狀者。名飛尸。停遁不消者。爲遁尸。沉痼在人臟腑者。爲沉尸。衝風則發者。爲風尸。隱伏積年不除者。爲伏尸。唯此五尸之氣。變態多端。各各不同。大率皆令人沉沉默默。痛無常處。五尸之外。復有尸氣。雖各有證。然其爲病。大同小異而已。亦可通一法治之。

雄黃丸方 治五尸瘕積。及中惡心痛。蠱注鬼氣。

雄黃 丹砂

礬石 牡丹皮

巴豆去皮心殼附子

藜蘆炙去蘆頭各一兩

共七味為末。鍊蜜丸如小豆大。每服二丸。米飲下。食前服。

雄黃丸方。治卒中飛尸。遁尸。沉尸。風尸。腹痛脹急。不得氣息。上衝心胸。及攻

兩脅。或礪塊踊起。或攣引脊腰。

雄黃研 大蒜各一兩

二味爛搗丸如彈子大。每服一丸。熱酒化下。須臾未差。更服。尸疹者。常宜預啞

此藥。

惡氣散方 治五尸鬼注百毒。

桂心 乾薑

二味擣羅為散。每服三錢。炒鹽一錢。溫水同調下。

蒺藜子丸方 治中五尸。腹急痛。不喘息。上衝心胸。及攻兩脅。或礪塊踊起。攣縮

引腰脊。

蒺藜子炒去角二兩



一味爲末。鍊蜜丸如小豆大。每服十二丸。食後水下。

### 遁尸

論曰。遁尸謂尸伏埋染注連滯。在於胸腹盲膜之間。尋常如無病。若因喜怒不節。飲食傷動。其隱之疾。發則心腹脹痛。連及胛脅。氣喘促急。不得安臥者。是其證也。木香湯方。治初得遁尸。鬼注。心腹中刺痛不可忍。

木香三分

鬼箭羽一兩

桔梗一兩

丁香三分

陳橘皮去白炒一兩

紫蘇蒸葉微炒一兩

當歸一兩

白檳榔火煨十枚

桃仁湯浸去皮尖雙仁炒黃色十四枚

右九味搗篩。每服五錢。水煎溫服。日二服。不計時候。

蒸熨方。治遁尸。飛尸。及風毒腫。流入頭面四肢。

芥子蒸熟焙一斤

一味爲末。以鉛丹二兩拌之。分作兩處。用陳布袋盛之。更換蒸熟。以熨痛處。

### 飛尸

論曰。飛尸者。其狀令人心腹刺痛。氣息喘急。脹滿。上衝心胸是也。此病忽然而至。疾如飛走。故謂之飛尸。

走馬散方 治飛尸入腹。脹滿刺痛。氣息喘急。

巴豆二枚去皮 杏仁二枚去尖

二味以綿纏。椎令極細。投熱湯二合。指取白汁。分三服飲之。食頃當下。老小量加之。

雄黃散方 治一切飛尸。鬼注。身痛如刺。

雄黃 甘草炙 黃芩各半 梔子

芍藥各一

共五味為散。每服以溫酒調下二錢。再服不拘時。

### 尸注

論曰。尸注者。尸病注易於人也。多因哭泣。感染尸氣。流注身體。令人寒熱淋瀝。沉默。不的。知所苦。而無處不惡。或腹痛脹滿。喘急不得息。上衝心胸。傍攻兩脅。



或礪塊踊起。或攣引腰脊。或舉身沉重。精神不爽。每更節令。愈加煩滯。不治者死。死則注易傍人。故名尸注。

虎掌丸方 治尸注寒熱往來。不思飲食。心腹刺痛。

虎掌

丹砂炒各半兩

白茯苓

龍齒各一兩

蓬莪茂煨剉

當歸各三分

右六味為末。用酒煮阿魏麵糊丸。如桐梧子大。每服二十九丸。薑烏梅湯下。

神效蜜陀僧散方 治臨尸哭泣。尸氣入腹。沉滯腑臟。有時發動。取勞積。

蜜陀僧半斤煨醋汁淘研控乾取六兩

京三稜煨搗末

訶藜勒不去核生用一兩

三味合研令勻。每服二錢。用煮麵濃湯下。當晚不食。臥一服。餘時切餅湯服三

夜。次夜當下惡物。不下。第三夜加生牽牛子末一錢。同調下。

杏仁丸方 治尸注。

杏仁去皮尖雙仁炒 亂髮灰各一分

二味研勻和丸。如小豆大。每服五丸。豬膏酒調下。

諸注門

### 諸注統論

論曰。諸注者。邪氣所注也。皆因精神衰弱。經絡空虛。傷於風寒暑溼。飲食勞倦。或感生死之氣。或挾鬼物之精。初爲中惡。客忤。卒死。諸尸之類。雖或暫差。必有邪氣伏於經脈。流傳腑臟。深入骨髓。經久不已。皆成注病。變狀多端。時發時差。令人昏悶。無不病處。若因風寒暑溼之邪所注者。則爲風寒注。涼注。冷注。溫注之病。若因飲食勞倦之邪所注者。則爲食注。飲注。酒注。水注之病。若因生。死。之。氣。而。爲。其。邪。所。注。者。則。爲。喪。注。哭。注。轉。注。之。病。若。因。挾。鬼。物。之。精。而。爲。邪。所。注。者。則。爲。鬼。注。邪。注。尸。注。殃。注。之。病。犯。土。禁。爲。注。者。爲。土。注。產。後。得。注。者。爲。產。注。虛。勞。所。成。注。爲。勞。注。邪。氣。外。侵。爲。泄。注。凡。此。諸。注。以。受。病。之。因。爲。名。也。邪。注。於。肺。則。爲。氣。注。邪。注。於。榮。則。爲。血。注。久。注。不。已。傷。損。骨。髓。則。爲。骨。注。凡。此。諸。注。以。病。之。所。在。爲。名。也。又。有。石。注。者。言。其。牢。強。如。石。走。注。者。言。其。遊。走。無。常。凡。此。諸。注。以。病。之。形。變。爲。名。也。名。類。雖。多。各。有。形。證。合。而。言。之。皆。注。病。也。治。注。病。者。欲。辨。是。非。但。覆。紙。於。痛。處。燒。髮。令。焦。投。於。紙。上。若。變。粘。紙。者。注。氣。引。之。也。不。粘。者。非。注。也。審。知。其。因。隨。證。治。之。無。



專門者。診脈浮大者可治。細而數者難治。

### 諸注

論曰。諸注者。邪氣停而為病也。蓋由經絡空虛。傷於風寒暑溼。或因飲食勞倦。或因大病後。氣虛邪氣流注。或感死氣。或犯鬼邪。皆至是疾。其狀變易不同。各隨其本而治之也。

赤芍藥丸方 治五尸注。

赤芍藥 一兩

吳茱萸 湯浸焙乾炒

丹砂 研

烏頭 去皮

蜀椒 去目并閉口者炒出汗各半兩

乾薑 三分

桂心 一兩

共七味。搗羅為末。鍊蜜丸如小豆大。每服十九丸。空心溫酒下。日三。

### 風注

論曰。風注者。由體虛風邪之氣。客於榮衛。邪氣行遊。連滯停注。故名風注。其狀皮肉掣振。痛無常處。一年之後。則有黃髮墮落。頸項掣痛。骨拉解鳴。目疼。鼻酸。牙蛀。

之證。又十二風所注不同。溫風所注。頭痛欲解髮。汗風所注。頭痛體熱。骨節兩強。柔風所注。遊腫在腹。或在手脚。水風所注。噉食服臥。汗出九風所注。腦轉肉裂。目系痛。惡聞人聲。絕風所注。暴倒仆。口有白沫。顛風所注。披髮狂走。遇物擊破。狂風所注。叫呼罵詈。獨語談笑。奇風所注。口噤面喎。四肢不隨。糾風所注。體生瘡。眉毛墮落。耗風所注。癢痺如蚌螫瘡。或癢或痛。單風所注。舉身戰動。或鼻塞。其狀雖異。其為邪氣。停注則一也。

安息香丸方 治一切風注痛。

安息香研

乳香研各一兩

白膠香研

地龍去土炒研為末各半兩

胡桃仁研二枚

沒藥研一分

桃仁去皮尖雙仁研七枚

共七味同研勻為細末。酒煎為丸。如彈子大。每服一丸。溫酒化下。

羌活湯方 治風注心腹刺痛。上攻胸背。

羌活三分

大豆合炒一分

桑根白皮半兩

陳橘皮去白

芎藭一兩

大腹井子焙三分

右六味搗篩。每服三錢。水煎溫服。良久再服。



走注

論曰。走注者。風邪客於衛氣也。風善行而數變。衛氣之行。慄疾滑利。邪正相搏。則淫溢皮膚。去來擊痛。遊走無常。故名走也。

蒸熨方 治走注風毒疼痛。流移不定。

芥子一斤蒸熟暴乾為末

鉛丹二兩

二味和勻。以疎布袋盛分二處。更互蒸熨痛處。

枳殼丸方 治走注疼痛。如錐刺皮膚。風氣心腹四肢疼痛。

枳殼去瓢麩炒

厚朴薑汁炙各一兩

犀角半兩 桑根白皮一兩

檳榔二兩

苴胡半兩

半夏湯浸焙乾為末薑汁和作餅暴乾

大黃醋拌炒各一兩

共八味為末。鍊蜜丸如小豆大。空心酒下二十丸。

鬼注

論曰。鬼注者。忽因鬼邪之氣排擊。當時即病。心腹刺痛。悶絕倒仆。如中惡狀。餘熱不歇。停積彌久。有時發動。連滯不已。乃至於死。死則注易傍人。故謂之鬼注。

玉壺丸方 治鬼注風冷。飲食不消。心腹脹滿。攻刺心痛。大便不通。治萬病詳千金方外臺秘

雄 黃 研

丹 砂 研

礬 石 煨

附 子 去皮

藜 蘆

巴 豆 去皮心炒研

右六味為末。鍊蜜和丸如小豆大。每服二丸。米飲下。取快利為度。小兒以意減之。

八毒丸方 治鬼注中惡。心痛積癖。蠱注鬼氣。

雄 黃 研

珍 珠 研

礬 石

牡 丹 皮

巴 豆 去皮心炒去

附 子 去皮臍

藜 蘆 二兩

蜈 蚣 去頭足

共八味。研為末。鍊蜜丸如小豆大。每服米飲下二丸。得吐為效。

太極鰻鱺魚煎方 治鬼注傳尸。五勞七傷。



鰻鱺魚寸切洗 附子皮一兩去 柴胡三分 芎藭

貝母去心 鼈甲去裙襖 當歸切焙 知母

荊芥穗各一兩 蕪荑仁一分 木香三分 秦艽

青蒿子小便浸 黃耆 木通各一

共十五味。除鰻魚外。搗羅為末。分作三貼。每貼以鰻魚一觔。清酒三斤。於銀器內煮爛。去滓。入藥末一貼。重煎如稀餈。以淨器盛。空心溫酒下一錢服了。夜用被蓋出汗。加至一匙。

### 氣注

論曰。氣注者。邪氣傳注。蘊伏於肺也。肺主氣而通行表裏。若為注氣所傳。則其病隨氣遊。衝擊掣痛。上喘奔急。飲食不下。是為氣注之候。

厚朴丸方。治一切氣注大腸。結澀背膊刺痛。氣注四肢。及食物不消。奔豚氣逆。

厚朴薑汁炮 桂心 大黃醋炒各二兩 桃仁浸去皮尖雙

四味為末。研勻。鍊蜜為丸。如小豆大。每服三十丸。米飲下。食後臨臥服。微利即

效。一方加附子一兩。去皮臍。

桃仁飲方 治注氣肩膊刺痛不移。

桃仁去皮尖 酸棗仁炒

人參

赤茯苓

桂心

丁香

甘草

共七味。等分搗篩。每服五錢。水煎臨臥頓服。

木香散方 治卒注氣。

木香

當歸

白朮

桂心

白茯苓各一

共五味。搗羅為散。每服二錢。沸湯點服。不拘時。日二。

### 卒魘不寤

論曰。其寤者魂交。其覺也形開。老弱數驚恐。心氣妄亂。精神惕鬱。志有搖動。則有鬼邪之氣。乘虛而來。入於寢寤。使人魂魄飛蕩。去離形體。故魘不得寤也。久不寤以致死。必須得人助喚。并以方術治之。乃蘇。若在燈光前。魘者是魂魄本由明出。



喚之無忌。若夜暗處魘者。忌火照。火照則神魂不復入。乃至於死。又人魘須遠呼。不得近而急喚。恐神魂或致飛蕩也。

小定心湯方 治形體虛羸。心氣怯弱。多魘善亡。

茯神一兩

甘草炙

芍藥

乾薑

遠志

人參

桂心各二兩

右七味。剉如麻豆大。每服五錢。棗二枚。同煎溫服。日三。

又方

右方以蘆管吹兩耳。并其人頭髮二七莖作繩。內鼻孔中。割雄鷄冠取血。以管吹喉咽中大良。

治卒魘方

右方以鹽灌之。多少在意。

又方

右方以雄黃如棗核繫在腋下。令人終身不魘。

治卒魘不寤方

右方用伏龍肝末。或末雄黃。或末桂心。以蘆管吹入兩鼻孔中。  
治卒魘死方

右方以井底泥塗死人目。令人重頭就井呼姓名。卽活。此法靈異莫測。  
又方

右方勿以火照。但痛齒其足後跟。及足大指爪甲卽活。齧其踵不覺者。宜用礬石散。方見卒死門。

### 中惡

論曰。志弱心虛。精神失守。忤犯邪惡。令人心腹暴痛。悶亂如死。無所覺知。故曰中惡。又曰卒忤。蓋陰陽否隔。氣道厥逆。上下不通。陽氣散亂。故令人不知也。氣還則生。不還則死。久不已。則變注。

麝香散方 治卒中惡。心腹刺痛。去惡氣。

麝香一分

犀角屑

木

香各半

三味。研爲末散。攪勻。每服二錢。空心熟水調下。日再未止更服。



又方

韭根切一握

烏梅枚十四

吳茱萸湯浸焙乾  
炒二兩半

三味以漆水五升煮。以病人櫛內其中。三沸櫛浮者生。沉者死。煮取三升時飲之。

治中惡氣欲絕不省方

右方以皂角生為細末。內鼻孔中。一方用細辛等分。取屑如胡豆大。吹兩鼻。

治中惡氣欲絕方

右方取新牛糞絞汁。若無新者。即以乾者汁服。

### 卒死

論曰。卒死者。緣人有三虛。一謂乘年之衰。二謂逢月之空。三謂失時之和。賊風鬼邪之氣。乘虛而入。故令陰氣偏竭於內。陽氣阻隔於外。二氣壅閉。不得升降。厥氣上行而暴絕也。氣還則復生。不還則死。內經曰。出入廢則神機化滅。升降息則氣立孤危。蓋謂是也。

扁鵲治卒死方

溼牛馬糞絞取汁。灌入口中。令入喉。若口噤者。斡開灌之。不可灌者。扣折一齒下之。若無新馬糞。以水或人屎和乾者。絞取用之。

又方

半夏末如大豆許吹鼻中。

治卒死而壯熱者方

白礬半斤

煮令消。漬脚令沒踝。

治卒死而目閉者方

騎牛臨其面。搗薤汁灌耳中。又末皂莢吹鼻。

尸厥

論曰。內經謂邪客於手足少陰太陰足陽明之絡。五絡俱竭。令人身脈皆動。而形無知。其狀若尸。故曰尸厥。蓋五絡皆會於耳中。苟爲邪所客。則其氣逆厥。上下暴



隔五絡閉結而不通。故俱竭而令人狀若尸仆焉。治法宜當先刺其足中指爪甲上各一瘡。後刺大指內側端如韭葉。後刺手心至少陰銳骨之端各一瘡。立已。不已以竹管吹兩耳使氣脈疎通。內助五絡。然後以藥石治之。

治尸厥脈動而無氣。氣閉不通。故忽然如死方。

治尸厥方

鬢左角髮方寸燒灰。以醇酒一杯飲之。不能飲者。灌之立已。

### 鬼魅

論曰。心者精之合。神之舍也。心氣不足。精神衰弱。邪氣乘虛而感。則爲鬼魅。其狀令善怒不常。情思如醉。或狂言驚怖。向壁悲啼。夢寐多覺。與鬼交通。病苦乍寒乍熱。腹滿短氣。不能食。診其脈人迎氣口。乍大乍小。乃鬼魅所恃之候也。

治妖魅病人不言鬼方

鹿角鏹屑

一味。擣羅爲細散。每服一錢。且言則差。  
治鬼迷不寤方

雄

黃粉研如

一味。吹入病人兩鼻中差。

辟諸邪祟附著及小兒驚哭恐悸方

安息香

一味。取一皂子大。焚令烟起。邪自去。

### 鬼擊

論曰。精足則神王。精耗則神衰。精神耗衰。血氣虛弱。則邪氣易襲。故爾邂逅。鬼邪相遇。則爲鬼擊之病。其得之無漸。卒著人。如矛戟所傷。令人胸脇腹滿。急痛不可按抑。或卽吐血。或下血。輕者獲免。重者或至不救。治宜符禁之法。兼辟邪安正之劑。

升麻散方



升麻

獨活

桂心各半

三味爲散。每服一錢。溫酒調下。

治鬼排擊方

熟艾雞子大  
三枚

一味。以水五盞。煎取二盞去滓。頓服之。

又方

以濃酒吹灌鼻中。

又方

以鹽一兩。水三盞。和攪飲之。并以冷水灑之。須更得吐卽差。

治卒中鬼擊方

雞冠血

一味。瀝口中。令下咽。仍破鷄以搗心下。冷卽棄於道傍。得烏鷄尤佳。

聖濟總錄纂要 卷十五 諸注門 魚擊



聖濟總錄纂要

清

新安

程

林雲來纂輯

鄞縣

曹炳章赤電校點

卷十六

臟腑虛實門

肝脹

論曰。肝脹之狀。千金謂脅下滿而痛引少腹。蓋厥陰之經起于大指。抵少腹。挾胃貫膈。布脇肋。脈經曰。肝病者。必兩脇下痛引少腹是也。夫肝受邪。則令氣血不通。故脇下脹滿。引少腹而痛也。

桂苓湯 肝受邪氣。兩脇下痛。牽引少腹。胸脇脹滿。

桂 心

赤 茯苓

柏 仁

防 風

細辛

犀角三分

鼈甲二兩

白朮

枳殼

獨活

桔梗五錢

甘草一分

棗水煎三錢。空心溫服。以知為度。

三補散 治肝受邪氣。客於肝經。攻脹兩脇滿悶。引少腹痛。四肢厥逆拘急。

赤茯苓七兩

桂心

蜀漆

石菖蒲二兩

柴胡

紫石英

山茱萸

丹砂一兩

赤芍三分

共末。酒下二錢。

山茱萸湯 治肝受邪氣。兩脇脹滿。筋脈拘急。痛引少腹。

山萸

川芎

山藥

木瓜

川歸

五味

黃耆

白朮

生地一分

獨活

棗仁二錢

大棗水煎五錢。空心溫服。

肝氣逆面青多怒



論曰。肝在色爲青。在志爲怒。故其氣逆則面青多怒。蓋本臟氣逆於內。干之則多怒而面青也。

防風湯 治肝氣壅逆。肢體沉重。面色青。時欲嗔怒。甚則恍惚狂言。心神不守。

防風

半夏

秦艽

麻黃

獨活二兩

川歸

遠志

人參

白芍

防己

甘草

片苓

升麻一兩

石膏五錢

薑棗水煎五錢。去渣。入麝末少許熱服。

秦艽散 治肝氣逆。面青多怒。身難屈伸。頭目眩暈。

秦艽

人參

附子

白朮

川椒

桔梗

乾薑

天冬

川歸一兩

山萸

防風

白芷

前胡

麻黃去根

五味

甘草五錢

烏頭

細辛三分

共末。酒下一錢。日二。

### 膽腑門

#### 膽虛

論曰。足少陽膽經不足者。膽虛也。虛則生寒。寒則其病恐畏。不能獨臥。口苦善太息。嘔膽汁。心下淡淡。如人將捕之狀。噉中介介。數唾頭眩痿。足指不能搖。坐不能起。僵仆。目視眈則膽氣虛。虛則精神不守。其氣上溢。循其所在而生病也。中正湯。治膽氣虛寒不足。常多恐懼。頭眩痿厥。心下淡淡。四肢不利。僵仆目黃。

茯神

羌活

黃耆

懷熟地

酸棗仁 一兩

柏子仁 炒研

防風

甘菊 三分

人參

白芍藥

川歸 酒洗

炙甘草 五錢

水煎三錢。空心溫服。以差為度。

人參湯。治膽氣虛寒不足。精神不守。眼目昏眩。奔氣在胸。眠臥多恐不安。

人參

桂心 一兩

白茯

棗仁



知母

石膏半兩

甘草八錢

薑水煎五錢。空心溫服。日二。

### 膽實

論曰。膽實則為有餘。有餘則生熱。故其症苦腹中氣滿。飲食不下。咽乾心脇痛。不能轉側。足外反熱。是為陽厥。及頭疼目銳皆痛。缺盆中腫痛。脇下腫。馬刀俠癭。皆謂膽氣實。足少陽壅滯故也。

半夏東流水湯。治膽臟氣實生熱。腹中氣滿。飲食不下。口燥咽乾。頭重惡寒。脇脹肋痛。

半夏薑汁炙

棗仁

生地二兩

片苓

赤茯苓

遠志一兩

用東流水二鍾。煎五錢。入秫米。生薑溫服。

瀉熱湯。治膽實熱。精神不安。

龍骨

棗仁

片苓

竹茹

升麻

茯苓

伏龍肝

甘草

水煎三錢溫服。日二。

### 膽虛不得眠

論曰。膽虛不得眠者。膽為中正之官。足少陽其經也。其經不足。復受風邪則膽寒。故虛煩而眠臥不安也。

千里流水湯 治膽寒虛煩不得眠。

半夏

麥冬三兩

白茯苓四兩

人參

片苓

遠志

草薢

桂心

甘草

酸棗仁炒二兩

集驗外臺有生薑無遠志

以千里水五大鍾。入秫米半合煎候沸。揚千遍。澄清鍾半。入藥五錢。薑半分。再

沸空心溫服。

五味子湯 治膽氣虛冷頭痛。心中驚悸。眠臥不安。常如人將捕之狀。精神不守。

五味子

白茯苓

人參

遠志



川芎

熟地

棗仁微炒

麥冬一分

桑寄生五錢

大棗水煎三錢服。

棗仁丸 治膽氣虛熱不眠。

棗仁

地榆一兩

丹砂

人參

白茯苓

石菖蒲五錢

共末。蜜丸小豆大。空心米飲下二三十丸。

山藥丸 治膽氣虛冷。精神不守。眠臥不寧。頭痛目眩。常懷恐畏。不能獨處。

懷山藥

酸棗仁

茯苓

柏子仁

山茱萸三分

共末。蜜丸小豆大。空心酒下三十丸。米飲亦可。

人參散 治膽虛眠臥不安。多驚悸。

人參

白茯苓一兩

丹砂飛過

茯苓神五錢

共末。米飲下一錢。或用蜜丸梧子大。飲下亦可。

乳香散 治膽風不得眠。精神恍惚。

乳香炙去油研 馬頭腦骨燒灰研 酸棗仁微炒

共末。空心酒下二錢。以差為度。

膽熱多睡

論曰。膽熱多睡者。蓋膽腑清淨。決斷乃所自出。今肝膽但實。榮衛壅塞。則清淨者濁而擾矣。故精神不守而多睡也。神既昏憤。是以常寢臥。半夏湯 治膽熱精神不守。昏困多睡。

半夏薑汁炒 懷生地五兩 赤茯苓 遠志二兩

棗仁生用 黃芩一兩

長流水三鍾。煎秫米半合。取汁入藥五錢。溫服。

黃連湯 治膽熱口苦。神昏多睡。

川連 片苓 赤茯苓 麥冬

升麻一分



水煎三錢。溫服。

棗仁湯 治膽風毒氣。虛實不和。昏困多眠。

棗仁 生用研一兩

蠟 茶 薑汁塗炙微焦二兩

水煎二錢溫服。

### 膽瘰

論曰。經謂有病口苦。名曰膽瘰。夫膽為中正之官。清淨之腑。十一臟之所取決。咽為之使。若數謀慮不決。則膽虛氣上溢而口為之苦。膽主藏不瀉。今數謀不斷。則清淨者濁而擾矣。故氣上溢而其症為口苦也。經所謂是動則病口苦。以氣為是動也。

麥冬湯 治膽氣虛逆。口中常苦。煩躁引飲。

麥冬

片苓

大黃炒

地骨皮

炙甘草

羚羊角 鎊

升麻

茯神 一兩

水煎三錢。入竹茹半分溫服。

黃連丸 治膽氣熱口苦。

胡黃連 一兩 青羊角

蛇 黃炙研如粉五錢 熊膽

青 黛真者研一分

共末。用黃牛膽汁和丸。或羯羊膽亦可。丸如菉豆大。食後淡竹葉煎湯。放溫下七丸至十九丸。

心臟門

心中寒

論曰。心中寒者。心痛徹背。背痛徹心。如蠱注之狀。蓋心為陽藏。中寒則寒必甚。其心背徹痛。則寒邪乃藏深矣。

赤石脂丸 治心中寒。心痛徹背。背痛徹心。

赤石脂兩半 人參 細辛一兩 桂心

烏頭三分 黑乾薑二兩 川椒炒五錢

共末。入蜜丸。梧子大。飲下十九丸。日二。未效。漸加丸數。



吳茱萸丸 治心中寒。心背徹痛。

吳茱萸湯洗醋炒一升

桂心

川歸二兩

共末入蜜杵丸。梧子大酒下三四十丸。臨臥再下。

### 心健忘

論曰。健忘之病。本於心虛。若血氣衰少。精神昏憤。故心志動亂而多忘。蓋心者君主之官。神明出焉。苟為怵惕思慮所傷。或憂愁過損。驚懼失志。皆致是疾。故曰。憂愁思慮則傷心。心傷則善忘。

安神定志人參湯 治心善忘。小便赤澀。多夢亡人。或夢水澤中。驚恐惕惕。目視眊眊。不欲聞人聲音。食不知味。

人參

甘草二兩

半夏

龍骨三兩

麥冬

石膏

懷熟地四兩

遠志

用甘草水浸過四兩

水煎五錢。入大棗。小麥去渣。入阿膠末一錢。錫糖少許。再沸溫服。日二。延齡煑散 治心臟氣虛健忘。服之安神養氣。聰明不忘。

茯神

人參

益智仁

懷熟地

藿香葉

桑寄生

沉香

防風

炙甘草一兩

共末。空心米飲下二錢。日二。

白石英湯 治心氣虛健忘。精神不足。失志善忘。陰痿懶語多驚。稍思慮。即小便

白濁。

白石英

人參

川芎

白朮

藿香葉

紫石英

石斛

石菖蒲

續斷一兩

炙甘草

細辛五錢

水煎三錢服。

檀香丸 治心虛常忪悸。恐懼多忘。

白檀香

桂心

白茯苓

甘草三兩

石菖蒲

蘇合油酒化

天竺黃

犀角

懷生地一兩

人參

麥門冬

達志兩半



共末。用蘇合油入蜜。杵丸。芡實大。食後含化。一丸。飲下。

烏犀角丸。治心虛憂愁過度。驚悸善忘。精神恍惚。言語無度。心中煩悶。服之安

魂定魄。

烏犀角

麥冬

遠志

羚羊角

郁李仁

鐵粉飛過

丹砂飛一

人參

茯神

龍齒五錢

冰片另研

共末。入蜜杵丸。芡實大。金箔為衣。酒嚼。一丸。飲下。小兒半丸。

### 善笑

論曰。內經謂神有餘則笑不休。蓋心藏神。在聲音為笑。在志為喜。今心氣實則神有餘。神有餘則陽氣發越。此所以有善笑之症。

草龍膽丸。治心經實熱。驚悸喜笑。

草龍膽

白薇

茯神

山梔仁

大黃微炒

麥門冬三兩

羚羊角

玄參二兩

人參

炙甘草 兩半

共末入蜜杵。丸梧子大。空心大棗湯下二三十丸。日二。

丹砂丸

治心氣有餘。精神恍惚。自語自笑。舉止不常。

丹砂

飛過

乳香

油去

酸棗仁 生用 一兩

共末酒糊丸。如梧桐子大。水下十丸。

龍齒丸

治心神狂越。多喜善笑如邪祟。

龍齒

遠志

人參

生地

山藥

防風

地骨皮

五味

白茯苓

麥冬

天冬

車前子 炒 一兩

共末入蜜杵。丸梧子大。用竹葉湯下二三十丸。日二。

丹砂酒

治心神不定。登高臨險。言語不避親疎。時時自笑。高聲叫呼。舉止無常。

大便秘。小便赤。解衣露體。不能安處。

丹砂

飛過 五錢

麝香

研二錢

同研勻。入白酒二升。重湯慢慢煨。隨患者平日酒量令醉。候患者睡着。急厚衣被。



蓋之。令汗出病愈。若病人不能多飲藥。只用其半。時時飲之良。

### 小腸腑門

#### 小腸虛

論曰。小腸者。受盛之官。心之腑也。乃手太陽之經。其氣虛則爲不足。故左手寸口人迎以前脈陽虛者。小腸虛也。虛則生寒。是故有顛際頭角徧痛。耳聾不聰。驚跳。小便頻數之症。治宜補之。

牡蠣丸 治小腸虛寒。小便數。小便下久。面有膜。如乳膏狀。

牡蠣童便

石斛

川芎

益智仁

草薢

石硫黃另研

龍骨

五味子

牛膝

狗脊

山萸肉

巴戟天

續斷一兩

共末。入蜜杵丸。梧子大。鹽湯下四十九。便止卽已。

益智仁丸 治小腸虛寒。小便後有餘瀝。陰痿。

益智仁

川芎

木瓜

巴戟天

川草薺

川續斷

牛膝

狗脊五錢

附子一枚

共末。蜜丸。梧子大。鹽湯下四十丸。日二。

斷弓弦散 治小腸氣虛寒撮痛。并女人血刺心痛。

五靈脂

蒲黃新者一兩

先用好米醋一合。入藥二錢。熬成膏。以水一鍾。煎七分熱呷。又名失笑散。

藿香子丸 治小腸虛冷。少腹氣痛。

藿香子

桂心一兩

木香

附子

葶澄茄

赤石脂三分

川歸酒洗

川椒炒五錢

共末。入蜜丸。梧子大。酒下二十丸。

### 小腸實

論曰。小腸者。受盛之官。心之腑也。手太陽之經。其脈盛則為有餘。故左手寸口人



迎以前脈陽實者。小腸實也。夫實則生熱。是故有身熱來去。口瘡心煩。身重汗不出。并小便利之症。治宜瀉之。

麥冬湯 治小腸實熱。脈氣盛實。小便赤澀下血。

麥冬

知母

片苓

木通

升麻

蒲黃一分

大黃炒三

水煎三錢溫服。日二。以差為度。

瞿麥穗湯 治小腸實熱。小便黃赤。結澀不通。

瞿麥穗

猪苓

川連

防己

烏犀角

車前子炒一

炙甘草五錢

木通一兩

水煎三錢溫服。日二。

### 脾臟門

#### 脾痺

論曰。有病口甘者。此五氣之溢也。名曰脾痺。夫食入於陰。長氣於陽。肥甘太過。令

內熱而中滿。則陽氣盛矣。故單陽名爲痺。其症口甘。久而弗治。轉爲消渴。以熱氣上溢故也。

蘭草湯 治脾痺口甘中滿。

蘭草 切一

水三鍾。煎令減半。分三服。早中晚用。以差爲度。

麥冬湯 治脾痺發口甘煩渴。

麥門冬

石膏 三兩

白芍藥

片 苓 兩半

烏犀角 一兩

梔子 五枚

水煎五錢去滓。入朴硝五分。再二三沸溫服。日二。

石膏湯 治心脾實熱口甘煩渴引飲無度。

石膏 四兩

人參

知母

白芍

紫苑

茯苓

赤石脂

白朮

山梔 兩半

竹瀝

生地汁

水煎五錢去渣。入竹瀝少許。生地汁一合。再二三沸溫服。若宣利。加芒硝一兩。



去白芍藥。

麥冬生地汁煎。治脾瘕內熱。口甘煩渴引飲。

生麥冬汁

懷生地汁

生白蜜半斤

栝樓根二兩

犀角生者

淡竹葉

知母鹽酒炒

地骨皮

萎蕤

綿黃耆

升麻一兩

炙甘草五錢

凝水石煨研

石膏研二兩

除二汁。蜜用井水七升。煮十一味。取三升。濾去渣。入汁蜜。同慢煎如稀餳。入瓷瓶內。重湯頓稠成煎。收貯。每用一二匙。含化溫湯送下。日二夜一。

穀勞

論曰。胃受水穀。其氣虛弱。不能傳化。則令人怠惰嗜臥。肢體煩重。腹滿善饑。而不能食。食已則發。穀氣不行使然也。故謂之穀勞。沉香湯。治穀勞體重。食已便臥。使氣消食化。

沉香

白朮土炒

紫朴薑炒

人參

白茯苓

半 夏薑汁

木香

草豆蔻

甘草三分

陳皮去白炒三分

黑乾薑一分

生薑大棗水煎三錢。溫服。日二。

木香湯 治穀勞身重少力多困。

木香

陳皮

人參

甘草

陳麩三分

紫朴

蓬莪茂

大麥蘖兩炒一

棗肉五十枚

水煎三錢。溫服。日二。

白豆蔻丸 治穀勞身重。食已困倦少力。食已即眠。

白豆蔻兩半

枳殼去白炒半斤

桂心

陳皮去白炒

訶黎勒取皮

川歸酒浸一兩

共末。蒸大棗肉和末杵丸。梧子大。用淡薑湯空心下二三十九。臨臥再服。酒下

亦可。

胃腑門



食休

論曰。內經云。大腸移熱於胃。善食而瘦。謂之食休。胃移熱於膽。亦曰食休。夫胃為水穀之海。所以化氣味而為榮衛者也。胃氣和則食有節。氣血盛而膚革充盈。若乃胃受邪熱。消燂穀氣。不能變精血。故善食而瘦也。病名食休。言雖能食亦若饑也。胃移熱於膽。休曰食休。以膽為陽木。熱氣乘之。則燂土而消穀也。

參苓丸

治胃中結。消穀善饑。不生肌肉。

人參

赤茯苓

菖蒲

遠志

牛膝

地骨皮二兩

共末。蜜丸。梧子大。飲下二十丸。日二。

甘露飲

治胃熱。善食不生肌。

生地

熟地

天冬

麥冬

片芩

石斛

枇杷葉

甘草

枳殼

茵陳蒿一兩

水煎三錢服。

胃反

論曰。脾與胃合。主腐熟水穀。今脾胃氣虛。水穀不化。與停飲相擊。胃中虛脹。其氣逆上。食久反出。故名胃反。其候朝食暮吐。暮食朝吐。寒熱時作。心下痞結。狀如覆杯。

人參湯 治胃反食下便吐。

人參

澤瀉

甘草

大黃炒

桂心二兩

赤茯苓四兩

竹茹三兩

陳皮

乾薑一兩

水煎五錢服。日二。

鉛丹丸 治胃反嘔吐噦逆。

黑鉛三兩化汁入紙灰以柳木椎研成粉羅過二兩

米醋二升熬成膏入蒸餅少許熟丸。如赤小豆大。薑湯下十丸。飲亦可。



木香湯 胃反不納飲食。開胃和氣。

木香一分 糯米一撮

胡椒二十粒

同炒米熟研末。分五服。水煎服。

田季散 久患翻胃。及小兒驚吐諸疾。

硫黃五錢

水銀一錢五分  
同研黑煤色

生薑取汁

酒一鍾

和藥三錢。空心服之。以衣被蓋覆。自足指汗出。迤邐徧身汗徹。即差。嘗有人病反胃經三年不差。消瘦殆盡。用藥一服。汗出如膠。腥穢不可近。當日更不復吐。遂差。又小兒諸吐量大小。與藥一字至三四字。冷水下吐立定。此散極浮難調。須先滴少水。以指緩緩研殺。稍增湯調和。若傾入湯酒。盡浮泛不可服。又烏頭煮散。吳茱萸散。皆治反胃。惟田季散有陰陽理。勝於二方。今載於後。但性差熱。更量臟腑寒溫用之。

吳茱萸散 胃氣虛冷。不能飲食。食即吐酸水。

吳茱萸湯洗七次炒

乾薑炮製二兩

共末。空心熱酒下三錢。

吳茱萸丸。治年深膈氣翻胃。早食曉吐。生存不化。膈上常有痰涎。時時嘔血。胸

多酸水。吐清水無時。夜吐至曉。日漸消瘦羸弱。腹中痛楚。痰逆時復冷滑。又即

秘結等疾。

吳茱萸湯洗炒三分

半夏一兩生薑四兩取汁入水煮爛細研成膏

當歸酒洗

人參

胡椒

白礬燒枯五錢

甘草五錢半生用半紙裹六七重醋浸煨乾又浸又煨七次

共末。膏丸。梧子大。桑柳枝煎湯下七丸。日三服。忌食諸毒發物。惟可食油煎猪

胰脾軟飯。

茯苓飲。治胃反吐逆。發渴飲水。

赤茯苓二兩

白朮

甘草

桂心五錢

澤瀉

乾薑兩一

水煎五錢。空心服。日二。

通膈湯。治胃反不下食。



稗取對後戶者洗去

檳榔丁香

半夏三分

薑水煎三錢服。

白朮一兩  
大黃炒五錢  
訶黎勒  
木香

### 噦

論曰。人食於口。而聚於胃。脾胃散精氣。以養四旁。臟腑氣和。乃能裨助於中。若脾胃氣虛。不能傳化水穀之精。與新穀相干。脾胃氣逆痞滿。復遇冷折之。故令噦逆也。

人參湯 治噦逆不止。

白茯苓  
人參  
白朮  
藿香五錢

甘草一分

水煎三錢溫服。

水銀膏 治諸般噦逆。

水

銀不結子

硫

黃細研

太陰玄精石

各一兩研

共和勻。研極細。用米醋五升。文武火熬成膏。磁盒收貯。旋丸梧子大。艾湯下七丸。

枇杷葉湯

治噦逆不止。飲食不下。

枇杷葉

去毛炙

陳

皮去白炒

甘

草炙三

薑棗水煎三錢。稍熱服。

三聖散

治噦逆不止。

丁香四枚

胡

椒十四

半

夏大者七枚  
薑汁洗

共末。大人薑湯下一字。

小兒筋頭蘸薑汁點藥口中立愈。至甚不過二服。

神效方

治胃口冷噦逆不止。

大

棗一枚  
去核

入胡椒七粒。溼紙包煨熟。出火毒。空心細嚼。溫酒送下。以粥投之。取效為度。

噫醋吞酸



論曰。上焦有留飲。脾胃挾宿寒。致飲食滯於膈腕。不能傳化。令人腹滿氣逆。所以噫醋也。

半夏丸

治上焦冷氣噫醋。吞酸吐沫。嘔逆不思飲食。

半

夏薑汁製

丁

香五錢

乾

薑分一

共末。薑汁糊丸。梧子大。空心木瓜鹽湯下十五丸。

藿香半夏丸

治胸膈有痰。脾胃積冷。噫醋吞酸。不思食。

藿

香一分

半

夏薑汁浸

丁

香五錢

共末。糊丸。梧子大。薑湯下十五丸。

丁香煑散

治噫醋吞酸。不欲飲食。

丁

香

乾

薑五錢

人

參

白

朮

白

芷

赤

桔

梗炒

半

夏

甘

草

桂

心一兩

檳

榔

高良薑

肉豆蔻一分

共末。薑棗水煎。三錢服。

丁香丸 治食飲不化。噫氣吞酸。

丁香

人參

五味

半夏五錢

甘草

琥珀

乾薑一分

桂心

枳殼

襪布

訶勒皮三分

共末。蜜丸。梧子大。空心薑橘湯下二十九丸。

胃寒腸熱

論曰。病有腹脹而泄者。為胃寒腸熱。胃受寒則氣收不行。而為脹滿。腸客熱則水穀不聚。而為泄注。病本濁寒之氣在上。清熱之氣在下。故為腹脹而且泄也。訶梨勒湯 治胃寒腸熱。腹脹滿悶。泄瀉不止。

訶勒皮 兩半

青皮

大黃炒

陳皮

紫朴 薑汁

高良薑 炮

枳殼 錢五

防風

甘草 一分

乾薑 一兩

薑棗水煎三錢服。



當歸黃連湯 治胃寒腸熱。腹脹泄利。

當歸

川連二兩

木香

紫朴薑汁

訶藜勒

吳茱萸洗炒

赤茯苓一兩

共末。蜜丸。梧子大。飲下三十九丸。日二。

紫朴丸 治胃寒腸熱。腹脹洩利。

紫朴薑汁炒

附子

龍骨

川連

白石脂

訶藜勒

吳茱萸洗炒

乾薑一兩

共末。醋浸。炊餅。丸。梧子大。空心。吳茱萸湯下三十九丸。米飲亦可。

妙應丸 治胃寒腸熱。腹脹泄利。

烏頭炮去皮 梔子

乾薑一分

共末。薑取自然汁。和丸。梧子大。空心。酒下七丸。日二。

### 胃熱腸寒

論曰。腸胃相通。疾病相連。人因飲食不節。寒溫失宜。致腸胃受邪。有冷有熱。病症

俱見者。則善饑。小腹痛脹。為胃熱腸寒之病。胃熱則消穀。故善饑。腸寒則血凝脈急。故小腹痛。又寒則氣聚。故痛而且脹。地黃湯 治胃熱腸寒。食已小腹痛脹。

熟地

人參

白茯苓

地骨皮

甘草

枇杷葉炙去毛

麥冬

石斛

黃耆炙二兩

水煎三錢。空心服。

調中湯 同前。

人參

白茯苓十兩

甘草炙

紫河車炙二兩

水煎三錢。空心服。

麥冬湯 同前。

麥冬

炙甘草二兩

白朮

羌活

白茯苓

旋復花

人參

升麻

桑白皮

白芍藥

玄參

當歸酒洗



柴胡一兩 胡黃連一分 木香五錢  
共搗粗末。薑棗水煎三錢。入甘草一寸。空心服。日二。

熟地兩半

### 肺臟門

#### 肺消

論曰。內經謂心移寒於肺。故爲肺消。肺消者。飲一溲二。病不治。夫病必有傳。而傳則有順有逆。傳其所生者順。順則易治。傳其所勝者逆。逆則難治。緣心經受邪。傳之於肺。是爲逆症。蓋以寒邪隨心火內燦金精。肺臟既已銷鑠。氣無所持。故症飲少而溲多也。當其始病之時。治宜去其寒邪。使不乘心火而移害於肺。至於肺已既消。則又當補其肺氣。平其心火。邪無所容。而病自愈。

黃耆湯 治肺消飲少溲多。

黃耆

耆三兩  
蜜炙

人參

五味子

麥冬

貝母

母去心

桑白皮剉引

枸杞子酒浸

懷熟地兩半

水煎五錢。空心溫服。日二。

兔絲子散 治肺消飲少瘦多。

兔絲子 酒洗淨用白酒浸一宿 衰搗爛焙研乾一兩

蒲黃 紙隔 微炒 五味子炒

雞臍脰黃皮 不見水 炙兩半 川連 去鬚蘆水 洗兩半

肉苳蓉 酒洗去甲 焙乾一兩 硝石五錢

共末。酒下三錢。日二。

黃耆湯 同前。

黃耆 蜜微 炙

土瓜根 二兩

菝葜

地骨皮

五味子

人參

石膏

牡蠣 童便碎 一兩

水煎五錢服。日二。

膈消

論曰。心移熱於肺。傳為膈消。夫心肺二臟。皆居膈上。心火既熾。移熾於金。二臟俱熱。熏蒸膈間。而血氣消鑠也。心主血。肺主氣。俱受邪熱。宜不息而消。故久則引飲。為消渴之疾。



麥冬飲 治膈消胸中煩滿。津液燥少。短氣多渴。

麥冬二兩 人參 生地

甘草 葛根 栝蒌

茯苓神一兩 知母 五味

水煎五錢。入淡竹葉十片。溫服。日二。

除熱地黃煎 治膈消煩渴。

生地汁 生活薑汁二升 牛乳三升 白蜜半斤

川連爲一斬

合煎減半。入末收成膏。熱湯化下二大匙。日三。

知母湯 治膈消心胸煩渴咽燥。

知母 子芩 白茯苓 生薑焙

澤瀉二兩 小麥八合 大棗肉十五枚

水煎五錢。入淡竹葉十五片。溫服。日二。

### 肺痿

論曰。內經謂熱在上焦。因欬為肺痿。其病之所得。或因汗出。或因嘔吐。或因消渴。或小便利數。或因便難。數被快藥下利。重亡津液。故得之。診其寸口脈數而虛。其人胸煩多唾。唇燥小便難。或數欬不得效。效則出乾沫。胸中隱隱痛者是也。

地黃湯 治虛寒肺痿喘急。

懷熟地

川芎五兩

人參

桂心三兩

桑白皮炒二升

大麻仁研一升如脂炒

水煎五錢去滓。入麻仁脂少許。再數沸溫服。日二。

旋復花湯 治肺痿咳嗽吐稠黏。虛瘦喘急盜汗。

旋復花

甘草

牡蠣醋碎一兩

生地汁

生薑汁二合

紫苑

桔梗炒

萎蕤五錢

水煎五錢去滓。入二汁少許。沸服。日二。

紫苑湯 治肺痿咳嗽。涕吐稠黏。小便不利。

紫苑

天冬

桔梗五錢

白茯苓

知母一兩

百合二兩

生地汁



水煎五錢去滓。入生地汁半合。沸服。要利加朴硝末少許。此疾利多。為肺與大腸合。故秘澀者少。

鹿髓煎 治傷中氣。脈絕筋急。肺痿咳嗽。

鹿髓半斤 白蜜 真酥二兩 杏仁去皮尖

桃仁去皮尖三兩炒 生地汁五合

先將二仁汁地汁煎減半。下鹿髓酥蜜攪勻。慢煎如餳。不拘早晚。頻服一匙。如無鹿髓。以牛髓代之。

### 肺痿咽燥

論曰。熱在上焦。因咳為肺痿。其脈則寸口數。其症則咳而口中有濁唾涎沫。甚者咽中乾燥。蓋以邪熱熏肺使然。或因快藥下利。重亡津液所致。天冬丸 治肺痿咽乾。煩燥痰壅。咳嗽。小便澀赤。眠臥不安。咳吐涎沫。咽喉腫痛。

天冬 人參二兩 杏仁 甘草一兩  
貝母 阿膠 桑白皮 五味子五錢

共末。蜜丸。梧子大。臨臥人參湯下十丸。含化亦可。

生薑甘草湯 治肺痿咳吐涎沫不止。咽燥而渴。

生薑五兩

甘草四兩

人參三兩

大棗十五枚

水煎六錢溫服。日二。

天冬煎 治肺痿咳嗽吐涎沫。咽燥渴。

生天冬汁

醇白酒

飴糖一斤

紫苑四兩為末

將酒汁重湯煎沸。下苑末攪勻。入飴糖。可丸即丸。如杏仁大。津液含化一丸。日

三。

生地煎 治肺痿喘嗽。涕吐稠黏。咽膈不利。

懷生地

杏仁

生薑二兩與生地同研取汁

麥冬去心一斤二

玄參生一斤

天冬去心半斤

麥冬

蘇子炒二兩

牛蒡子蘇子同用四兩與玄參二冬水搗取汁

蘇子炒二兩

同和勻。慢火煎。令稠。入煉過蜜五兩。真酥二兩。攪勻。入磁罐內。放飯甑蒸。少時

收貯。頻化一匙。



肺痿小便數

論曰。內經云。臟真高於肺。又曰。真氣奪則虛。今肺中冷。則肺中真氣不足。而其人上虛矣。虛則無以制下。故上為肺痿。下為小便數。以致吐涎沫。而欲咳不能咳者。皆其症也。治宜以溫藥和之。

白茯苓湯 治肺痿小便數。甚者吐涎沫。欲咳不能。

白茯苓

附子

桂心

白芍

三兩炒

川椒炒四粒

肉苁蓉兩半

補骨脂

黃耆

一兩

水煎三錢。空心溫服。日二。

甘草乾薑湯 治肺痿小便數。咳吐涎沫。

炙甘草四兩

黑乾薑二兩

用水煎三錢。空心溫服。日二。以差為度。

五味子湯 治肺痿小便數。

五味子

款冬花

人參

桂心

二兩

麥門冬

桑白皮炙三兩

生薑大棗水煎六錢。空心溫服。日二。

龍骨湯 治肺痿小便數。漸覺氣弱。

白龍骨

肉苁蓉

黃耆蜜炙一兩

附子

白薇

牡蠣醋炙三分

炙甘草五錢

生薑大棗水煎三錢。溫服。日二。

### 肺癰

論曰。肺癰之病。脈數而實。蓋以風中於衛。呼氣不入。熱過於榮。吸而不出。風熱凝滯。蓄結為癰。其症惡寒口乾。胸中隱隱痛。咳而胸滿。時出腥唾者是也。宜速治之。久則吐膿如米粥。始萌可救。膿成難治。

葦葉湯 治肺癰。

葦葉細切

桃仁去皮尖炒 瓜蒌仁

薏苡仁半斤

用水一斗。將葦葉取汁五升。入藥煮二升。去滓。分三服。當吐如膿。差。



甜葶藶丸 治肺癰。

甜葶藶紙炒

杏 仁去皮尖 貝母錢五

皂 莢肥大不蛀者二兩

先將皂莢椎碎。入無灰酒半升。內熟按濾去滓。慢煎成膏。將三味共末入膏和丸。梧子大。溫水下二十九。如肺氣喘急。濃煎桑白皮湯下。

防己丸 治肺癰咳嗽久不差。

防己 杏 仁去皮尖

川貝母 炙甘草二兩

甜葶藶紙炒

共末糊丸梧子大。水下三十丸。日二。

地黃湯 治肺癰。

生地汁一斤 人參 附子 白石英醋炒

川歸 甘草炙一兩 白豆十粒

白絲毛雞一隻男人用雌者女人用雄者治如食法

用水一斗五升。先煮雞取汁七升。去雞入地汁再沸。下諸藥。慢火煎三升。濾去滓。每服一鍾。日三夜二。

桔梗湯 治肺癰吐膿。如粳米粥。

桔梗 粳米 炙甘草一兩

水煎六錢。空心溫服。須更吐膿數合再服。

煎苡仁湯 治肺癰咳嗽。

薏苡仁一升 苦酒三升

用酒煮薏仁至一升。溫頓服。吐出膿血驗。

桔梗白朮湯 治肺癰吐膿。經時不差。

桔梗 枲 白朮 懷生地

炙甘草 敗醬二兩 桑白皮一升 薏苡仁 歸一兩

大豆四升

用水一斗五升。煮豆取汁七升。內清大酒三升。合諸藥煮之。去滓取三升。每服一鍾。日三夜一。

肺癰喘急脹滿



論曰。內經謂肺之癰。喘而兩胛滿。蓋肺主氣而合於息。其脈別支者。從肺系橫出腋下。故邪氣蘊積於肺。則上為喘急。下連兩胛滿。治宜瀉其肺臟之邪毒。病斯愈矣。

葶藶大棗瀉肺湯 治肺癰喘急。不得安臥。

葶

藶甜者五兩紙炒  
研取末五錢

大棗去核  
十枚

用水三大鍾。煮棗取汁。入葶末五錢。一二鍾溫服。日止一服。

平肺湯 治肺癰氣急。喘逆咳嗽。胛滿。

黃耆

陳皮

杏仁一兩

沉香五錢

人參

紫苑

紫蘇二兩

水煎五錢溫服。日二。

夜合湯 治肺癰咳喘。體有微熱。煩滿。胸前皮甲錯者。

夜合白皮一兩炙即合歡  
皮肺癰之妙藥

水三鍾。半分二服。日服之。以差為度。

### 大腸腑門

### 腸垢

論曰。內經謂大腸有熱便腸垢。巢元方云。腸垢者。腸間津汁垢膩也。蓋傳化之腑。熱氣積而為痢。痢久不已。腸間虛滑。津垢乃出。是邪熱氣實。真臟氣虛。故有此症。附子丸 治腸垢因久痢腸滑。下垢不止。羸困。

附子去皮

桂心

赤石脂

黑乾薑二兩

共末入蜜杵丸。梧子大空心米飲下二三十丸。臨臥再下。

### 處瘕

論曰。內經謂小腸移熱於大腸為處瘕。夫小腸者。乃受盛之官。化物出焉。大腸者。乃傳導之官。變化出焉。二者皆以傳化為事。今也小腸受熱。移於大腸。則陰氣虛而津液耗。不能滑利。故糟粕內結。沉伏而為瘕聚。腸間菟結。大便秘澀。是也。檳榔丸 治大小腸胃受熱。氣不宣通。瘕聚沉伏。腸間菟結。腹脇脹滿。大便秘澀。

檳榔

大黃

枳殼炒二

桃仁去皮



大麻仁炒

青皮炒

木香一兩

共末。溫水下一錢。日二。以知為度。

秦芫湯。治大腸虛癢。秘澀躁悶。

秦芫兩半

防風

枳殼

檳榔

桂心

獨活

牽牛一兩

朴硝研

水煎三錢。去滓。入硝末五分。再沸服。日二。

### 腎臟門

#### 腎虛

論曰。腎主水。受五臟六腑之精而藏之。若腎氣虛弱。則足少陰之經不利。故其症腰背痠疼。小便滑利。臍腹痛。耳鳴。四肢逆冷。骨枯髓寒。足脛力劣。不能久立。故曰診左手尺中神門以後陰脈虛者。為少陰經病。令心悶下重。足腫不可按。蓋足少陰腎之經也。

磁石丸。治腎經虛憊。四肢無力。體面少色。惡風寒。手足冷。骨節痛。耳內蟬鳴。

磁石醋碎七次研

附子

桂心

補骨脂

肉蓯蓉一兩

巴戟天去心

續斷

人參

白茯苓

柴胡

黃耆

山藥

紫朴薑汁炒

木香

牛膝酒浸

遠志甘草浸

川椒炒一兩

羊腎膜一對去筋

檳榔一枚

桃仁尖炒

共末入蜜杵丸。梧子大。空心酒下二十九丸。日二。

鹿茸丸 治男子腎臟虛損。腰脚弱。氣不足。體煩倦。面色黑。小便數。

鹿茸一對酒浸去毛炙

附子

牛膝

人參

木香

巴戟天

天雄

肉蓯蓉酒浸去甲

五味子

川椒

羌活

桑螵蛸

兔絲子

葫蘆巴

紅豆蔻

山藥

沉香

肉豆蔻

楮實子

懷熱地

白蒺藜

桂心

白茯苓

沒藥炙一兩

共末入蜜杵丸。梧子大。酒下二十九丸。日二。



羊腎丸 治腎虛攻注四肢。煩熱多汗。肢節痛。耳鳴。

羊腎一對去筋膜 杏仁去皮尖炒 川椒 川歸

麻黃去根節 黃耆一兩

共末用羊腎酒煮爛研。酒煮糊丸。梧子大。酒下二十九。日二。

羊骨補腎丸 治腎虛寒。耳鳴好睡。日漸痿弱。

羊脛骨酥炙 白朮 磁石醋淬二七 桂心三兩

黃耆蜜炙 白茯苓乳浸 乾薑一兩

水煎五錢溫服。日二。

葫蘆巴丸 治腎氣虛損。陽氣痿弱。補虛損。興陽氣。

葫蘆巴微炒 附子 肉苁蓉 巴戟紫者炒

藜香子炒兩 川牛膝 蛇牀子 桂心

棟實去皮醋浸 補骨脂一兩 蓬莪茂醋浸煨

共末入蜜杵丸。梧子大。薑鹽湯下二十九。日二。

桑螵蛸丸 治腎元虛。耳聾脹滿。腰脊強直。小便赤黃。

桑螵蛸炒

山藥

沉香

山萸肉

肉苁蓉

磁石醋碎

五味子

川歸五錢

附子三枚

石菖蒲

續斷三分

藜香子炒一

共末。蜜丸。梧子大。酒下二十九丸。日二。

沉香飲 治腎氣虛。小腹急滿。骨肉乾枯。陰囊濕癢。

沉香

木香

羌活

熟地

黃耆

澤瀉

桑螵蛸五錢

白芍

川歸

天雄

續斷

磁石醋碎七次

草薺

牛膝

大腹皮三分

生薑水煎五錢。溫服。日二。

慶雲散 治陽氣不足。腎元虛。精乏不能施化。

兔絲子五兩

天冬九兩

五味子六兩

覆盆子十兩

紫石英二兩

桑寄生

天雄一兩

白朮

石斛三兩



共末。酒下二錢。氣寒者去桑寄生。用細辛二兩。

### 腎實

腎何能實以  
腎火實也

論曰。足少陰腎經。其氣實為有餘。有餘則舌燥咽腫。上氣嗌乾。咳喘汗出。腰背強急。體重內熱。小便黃赤。腰脊引痛。足脛腫滿。此由足少陰經氣實。或為邪濕所加。故有是症。治宜瀉之。

瀉腎大黃湯。治腎元實熱。小腹臃脹。腰重不利。足下熱痛。耳聾腰解。夢伏水中。

大黃蜜水

懷生地

磁石醋碎七  
次二兩

玄參

片苓

澤瀉

五加皮

羚羊角

石菖蒲

炙甘草

赤茯苓一兩

水煎三錢。入竹葉二七片。溫服。日二。

羚羊角湯。治腎元實熱。多怒好忘。肢體煩滿。腰腹急重。

羚羊角

升麻

檳榔

白芍

杏仁

甘草

澤瀉

子苓

木通 赤茯苓一兩

水煎三錢。入竹葉十四片溫服。日二。

大澤瀉湯 治腎元實熱。多怒善忘。舌燥咽腫喘急。耳聽不聰。四肢滿急。腰背強直。

澤瀉 苧苧 升麻 杏仁去皮

芒硝研三 磁石醋碎七 茯苓 大青

竹葉二兩 懷生地五兩 羚羊角一兩 柴胡三兩

水煎五錢。空心溫服。日二。

腎脹

論曰。腎脹之病。腹滿引背。央央然腰髀痛者是也。蓋腎主腰脚。其經屬足少陰。與足太陽為表裏。故腎經所過。抵少腹。通膀胱。挾脊內。過髀樞。循髀外。是動則病髀不可以曲。今寒氣積於腎經。不得宣。故氣留滯而為脹。名曰腎脹。溫經湯 治腎虛寒脹。氣不宣利。上攻腹內。及背腰脊髀痛。



附子

杜仲鹽酒炒

牛膝一兩

補骨脂

川續斷

黑乾薑

桂心三分

生薑水煎三錢。入鹽一捻服。日二。

藿香子散 治腎虛脹。氣攻腰腹。髀痛。

藿香子

桂心

石斛

懷熟地

桃仁去皮炒

黑乾薑

杜仲酒炒

甘草一兩

共末。空心酒下二錢。日二。

八味丸 治腎氣虛。冷氣攻。腰腹痛。

附子去皮炮

桂心

澤瀉瀉二兩

懷熟地八兩

山藥

山萸肉四兩

牡丹皮不見火

白茯苓三兩

共末。入蜜杵丸。梧子大。空心酒下二三十丸。鹽湯下亦可。久服溫腎經。消脹滿。

### 解休

論曰。內經云。冬脈太過。則令人解休。其症脊脈痛而少氣。不欲言語。夫腎為作強。

之官。精為養身之本。所以運動形體者也。一或受邪。則腎實而精不運。故有脊脈痛。少氣不欲言之證。其名解休者。解有解緩之義。休則疑其寒。亦疑其熱。疑於壯。又疑於弱。有不可必之之詞。診其尺脈緩而濇者。為解休也。利腎湯 治解休脊脈痛而少氣不欲言。此為腎氣有餘。

懷生地

赤茯苓

澤瀉兩半

柴胡

枳殼去白

麥門冬

川牛膝

檳榔

子芩一兩

水煎三錢。空心溫服。日二。

通腎湯 治解休少氣不欲言。脊脈急痛。腰背強直。足下熱疼。小便癰閉。心煩咽

乾。

懷生地

羚羊角

赤芍

石菖蒲二兩

猪苓

炙甘草

五加皮

澤瀉一兩

水煎三錢溫服。日二。

瘖俳



論曰。內經謂內奪而厥。則為瘖俳。此腎虛也。瘖俳之狀。舌瘖不能言語。足廢不能為運用。蓋腎脈挾舌本。腎氣內奪。氣厥不至舌本。故不能言語而為瘖。腎脈循陰股。循筋骨內踝。入足下。腎氣不足。故足廢而為俳。名曰瘖俳。熟地黄湯。治腎氣虛厥。語聲不出。足廢不為運用。

懷熟地

附子

石斛

五味

巴戟天

肉蓯蓉

山萸肉

桂心

遠志

麥冬冬去心

白茯苓

石菖蒲五錢

生薑大棗水煎三錢。溫服。日二。

補骨脂丸。治瘖俳。腎氣內奪。舌瘖足廢。

補骨脂

肉蓯蓉一兩

遠志

麥冬

石菖蒲

鍾乳粉五錢

共末。入蜜杵。丸梧子大。用木通湯下三十丸。日二。

### 腎虛陽痿

論曰。腎臟虛損。陽氣痿弱者。蓋由嗜慾不節。勞傷腎氣。精血耗竭。臟腑空虛。血氣不能充養故也。治宜補虛損。興陽道。益精氣。

五味子丸 治腎虛損精神。精神衰竭。陽道痿弱。腰脚無力。

五味子

兔絲子

鹿茸去毛

巴戟天

杜仲

肉苁蓉一兩

共末入蜜杵丸。梧子大。酒下二三十丸。日二。

磁石丸 治腎氣虛損。骨髓枯竭。小便頻數。腰背拘急。耳鳴。面色黑黯。陽道痿弱。

磁石醋淬二七次二兩

附子一兩

人參

白朮

白茯苓

地骨皮

桂心

五味

熟地

黃耆

牡蠣

澤瀉三分

共粗搗。每用羊腎一對。煮汁入藥三錢。薑棗煎服。日二。

助陽丸 治腎虛損。陽氣痿弱無力。志意不快。小便數。

附子

人參

鹿茸去毛

兔絲子

肉苁蓉

鍾乳粉

黃耆

原蠶蛾一兩



共末。入蜜杵。丸梧子大。酒下二十九丸。日二。

### 腎虛多唾

論曰。水飲非升降不能傳導。非陽氣不能消鑠。腎虛多唾者。蓋緣腎臟不足。陽氣虛微。而又陰寒凝結。停滯於胸膈之間。不能消鑠。水飲上溢於齒牙。故喜唾也。地黃湯 治腎虛使人痰唾不休。

懷熟地

鹿茸

巴戟天

丹參

五加皮

枸杞子二兩

車前子

桂心

防風一兩

水煎四錢溫服。日二。

半夏丸 治腎虛寒唾液不休。心胸痞悶。

半夏 湯泡七次爲末用薑汁和作餅晒乾炙

人參

附子

前胡一兩

五味子

枳殼

檳榔

赤茯苓

陳皮

桔梗

訶勒皮五錢

共末。酒煮糊丸。梧子大。薑湯下二三十丸。日二。

### 骨虛實

論曰。腎生骨髓。骨髓者。腎氣之餘。腎氣虛則骨髓痠疼。倦而無力。其氣實則骨熱苦煩。津液內燥。當隨症施治。

補骨脂湯 治骨虛痠疼。多倦不能久立。

補骨脂

人參

附子

五味子

肉蓯蓉 一兩

水煎三錢去滓。入酒二分溫服。日二。

白芍虎骨散 同前。

白芍藥 斤祖一

懷熟地 斤祖五

虎骨 兩四兩

用白酒一斗。浸三宿晒乾。又浸又晒。以酒盡為度。共末。不拘茶酒下二錢。日二。

四物湯 治骨髓實。苦疼煩熱。

葛根汁

生地汁

麥冬汁

白蜜 各鍾



共和勻。分三服。每服入水半鍾。同煎溫服。

### 髓虛實

論曰。骨髓之病。應肝膽。若其腑臟有病。皆從髓生。蓋熱則應臟。寒則應腑。故髓虛者。腦病不安。身常清慄。髓實者。身體煩躁。勇悍驚熱。此髓虛實之候。當隨症施治。補虛羌活丸。治髓虛寒。腦痛不安。身常清慄。

羌活

川歸

人參

川芎二兩

桂心一兩

大棗去皮核三十枚

羊髓

牛髓

真酥

大麻仁各一合研

共末入髓酥和勻。入器內重湯煨稠。丸梧子大。空心酒下三四十九。日二。溫髓湯。治髓虛骨寒。

附子

人參

桂心

黃耆蜜炙

細辛一兩

水煎三錢溫服。髓實者。於腎實并骨實中求之。

# 膀胱腑門

## 胞痺

論曰。內經謂胸痺者。小腹膀胱。按之內痛。若沃以湯。澀於小便。上為清涕。夫膀胱為州都之官。津液藏焉。氣化則能出矣。今風寒邪溼氣客於胞中。則氣閉不能化出。故胞滿而水道不通。其症小腹膀胱。按之內痛。若沃以湯。澀於小便。以足太陽經氣闕。故熱而痛也。上為清涕者。以足太陽經直行者。從顛頂入絡腦。腦氣下灌。出於鼻竅。則為清涕矣。

溫腎湯 治胞閉小便不利。腰脊疼痛。腹背拘急絞痛。

澤瀉

白朮

赤茯苓

黑乾薑二兩

水煎四錢溫服。日二。

人參湯 治胞痺小便不利。

人參

白芍

川芎

生地

川歸

赤茯苓

遠志

子芩



五味 甘草 麥冬 乾薑一兩

桂心二兩

水煎羊腎取汁。入大棗煎五錢溫服。日二。

腎瀝湯 治胞痺小腹急痛。小便赤澀。

麥門冬

犀角

五加皮

杜仲

鹽酒炒

桑螵蛸十枚切 破炙黃

赤芍藥

木通

桔梗

雨炒一

水煮羊腎一對。取汁煎五錢去滓。入竹瀝半合。薑汁少許。再沸溫服。日二。

### 胞轉

論曰。胞受水液。氣未轉行。則小腸滿脹。或飽食用力。或因合陰陽令胞屈辟。小便不下。遂致胞轉。其候水道不通。小腹急痛煩悶。汗出氣逆陰迫。甚至於死。名曰胞轉。宜速治之。

虎珀湯 治胞轉臍下急滿。或因霍亂而得者。

虎珀研一

阿膠錢五

車前草三兩

葱

白芷七

用水五鍾煎葱白。車前取汁三鍾。下膠末。次下珀末。微煎分三服。

石菖蒲散 治胞轉不得小便。少腹急痛。

石菖蒲

滑石 飛過一兩

共末。用雞子白和二錢。下頃再下。

秦芄湯 治胞轉不得小便。小腸滿脹。

秦芄

水煎五錢。空心溫服。少頃又服。以差為度。

琥珀湯 治胞轉小便不通。小腹痛煩悶。

琥珀 研細

生大黃

滑石 飛過

車前子

車前葉 一兩

水煎五錢。入葱白三寸。空心溫服。日二。

車前草飲 治胞轉臍下急滿。小便不利。

車前草 去根一握

用水三鍾煎。溫服。日二。以差為度。



國立中央圖書館台灣分館



3 1111 008723676

